

前緒鄭氏宗譜

陳脩榆  
謹署



四

254  
8742  
1

庚申夏六月

鄭氏宗譜

陳脩榆謹題





重修宗譜序

我族自前清光緒辛巳重修宗譜以來迄於今又四十

三年宗長令相集族之父老子弟告以時近三紀譜宜重修眾皆

踴之其年冬嘯雲兄自甌歸笈自閩歸而子剛姪亦適家居壬子

夏秋商議定後令笈三人任編輯而其餘諸人分任各職搜遺籌

欸積極進行癸丑六月設局宗祠其相商權以期妥善另延繕手

以專責成端倪甫具因事中輟未幾子剛卽世嘯雲繼之光陰荏

苒又四五年去年夏間弼臣杏蓀禾卿諸人皆謂譜久不修前稿

恐佚請於宗長秉良及德源德豐諸宗老仍屬笈其與其役然笈

自丙辰以後出主滬上神州上海兩醫校講席兼修章橋葛氏宗



譜惟寒暑二假得暫歸者數日卽今年春後曾改校課爲函授而  
邑中修輯志乘又復固延其事欲如曩時之從容考訂不可復得  
矣雖續行採訪始於去秋新行刊校起自今春先後一年之間成  
譜一十六卷而議決於公眾費輸於殷紳事成於羣力笈實自愧  
無絲毫之補惟得幸觀厥成以補四十年來之未備慰父老子弟  
之屬望而竟嘯雲子剛之志則差爲私心之慰也其間差誤遺漏  
頗不能免此則限於財力時日而無如何者惟期後秀之匡正之  
矣至於譜事之如何關繫修譜之如何艱難凡前譜他譜所縷見  
者今皆不贅

中華民國九年歲在庚申 月中澣 十五世孫傳笈謹序

重修宗譜記

十六世孫

瑾芳

杏蓀

我族有譜始於明萬曆間迄今已修四屆矣歲壬子族人公議謂時逾三紀理宜重修時嘯雲雲仲兩叔適家居乃公推爲總纂從兄子剛與焉任採訪者族弟翰舫耕伊族姪禾卿雪莊族再姪子毅諸人次年春命瑾偕雪莊至岱採訪瑾旋由岱分赴衢山而岱地如茶前山廿畝舉總吉舉文四公一派雪莊任之前屆修譜在光緒辛巳而往岱採訪在同治癸亥距今五十有八年矣查德字傳字芳字三行之世次或秘不肯宣或有月日而忘其年或并月日而無之所以未臻完全者將有待也是年夏設局宗祠各處採訪已畧具端緒奈因事中輟未幾嘯雲叔子剛兄先後謝世而雲

仲叔爲滬上神州上海兩醫學校聘主校務謹亦游幕皖江譜事  
延擱者六年去年秋族人復議繼續進行仍推雲仲叔總其大成  
弼臣兄擔任十七房五房之調查如塘路沿廟基頭後新屋海甸  
開口廿九房小九房等處謹承其乏自壬子後有損益者重查之  
未完善者補正之至臘粗就惟岱山本議重查緣絀於經費限於  
時日而不果祇得登報聲明故岱山以癸丑爲截止之期今春設  
局刊印校對一事弼臣兄與謹分任其勞然崧川恆川葆懿諸從  
姪亦與有力焉其中脫節遺漏在所不免惟希後賢匡正之耳時  
在

民國庚申歲六月旣望

瑾芳謹誌



前緒鄭氏宗譜目錄



重修宗譜序

重修宗譜記

目錄

重修宗譜名字表

原序

碑記

源流攷

山川記

瑞安縣巡檢辨

世系辨正

世次辨正

補闕正訛

修譜自記

附修譜年分攷

先賢列傳

列女傳

壽序

墓表

誌 銘

二木對公置東爲公墓圖

通志氏族畧

凡例

凡例

宗約弁言

宗約

宗祠條規

增刪條例

宗支分派表序

五大房支表

塘路沿各小支表

近地分居表

遠地分居表

舟山分支表

分派編次

大宗祠圖

塘路沿陽宅圖

廟基頭陽宅圖

十七房陽宅圖

附後新屋

先賢遺像

并贊

爵侯公暨東滄公墓圖記



八 宗祠祭文

九 題贈匾額匾聯

十 誥勅表

十一 士籍攷序

十二 志籍攷

十三 助田表

十四 奉祀專祠

十五 歷代節孝姓氏錄

十六 列傳

十七 襍文

壽序 墓誌 墓碣

誄 祭文 叙 論  
詞 古 詩

三本

系圖 一世至十二世

四本

系圖 十二世至十六世

五本

系圖 十二世至十六世

六本

系圖 十二世至十六世

七本

系圖 十六世至二十世

八本

世次 十一世至十一世

九本

世次 十二世至十二世

十本

世次 十二世至十二世

十一本

世次 十三世至十三世

十二本

世次 十四世至十四世

十三本

十世次 十五世

十四本

十世次 十五世至十六世

十五本

十世次 十六世至十七世

十六本

十世次 十七世至二十世

十七世至二十世

十八本



重修宗譜名字表

宗長

令相

秉良

總纂

一夔

字嘯雲

協理

兼總纂

傳笈

字雲仲

編輯

兼採訪  
校對

瑾芳

字杏生

財政

德源

會計

兼採訪

鍾銘

字禾卿

採訪

兼校對

基芳

字彌臣

可者郎氏宗譜 卷首 名字表

含芳 字翰舫

莘芳 字耕伊

鍾瀾 字雪莊

栻英 字子毅

有僖 字頌魯

鍾銑 字志廉

尊渠 字崧川

尊濤 字恆川

尊德 字葆懿

德豐 字逸山

校對

管理

原序

昔我祖卜居沿塘幾遭兵火世曠年湮相傳靖侯爲始祖而譜系不傳焉厥後分爲東西中央三房子姓繁衍分居異地者皆不可考近祖基者安二祖分居廟基頭安二之四子文四祖分居後新屋然欲追安二果系何祖之分派而亦不可考矣惟東房追至道三世系僅存十七房者道三祖五世孫正十七祖之分派也其居於海砂闡口者爲汶十六祖亦東房之所出而世系不傳又一支分居舟山馬塊三江其在明代未遣之前乎雖世系不傳而後人猶能識其西房之所出而尊卑之序未紊焉其分派之可考者皆表於各房世系之下皆在

乾隆三年十歲次乙酉

十世孫光祜敬誌

山陽與三山其地即升宋徽之前平雖母系不驗而對人  
付新和則口傳錄對十六脈亦東無之河出而世系不漸又一  
三山系對符十寸每符蓋三脈五廿五寸脈之長漸也其景  
豈然為安二果系何用之衣形而亦不河考矣對東氣自至首  
脈通脈其皆定二脈衣每脈基脈定二文四寸文四脈分脈對  
不漸漸通對長每東西中央三脈千脈樂流衣每異世管管不河  
昔非屬十脈對報報與共水世測平西脉對對對為做脈而漸系  
脈氣



前緒鄉鄧氏重修宗譜原序

宗譜曷爲而作也曰所以尊祖而敬宗也所以親親而合族也所以辨采屬而序昭穆也譜之所繫顧不重哉然此亦就一姓一族而言而功用之大則實有繫乎天下者余嘗觀陽湖洪稚存太史之序珥塘荆氏族譜也曰治天下之有法必自士大夫之各修其家法始故觀一世之治亂以風俗之媿惡卜之觀風俗之媿惡又之士大夫之家法修與不修爲斷家法壞則害及於國矣害極於天下矣士大夫之家法轉移風俗之具也又曰合族之法曰善惡有別貴賤有等夫善惡有別則父曰日以戒其子兄曰日以戒其弟而不肖之子弟無以容身矣貴賤有等則富者或寬博卒世貧者反

章服耀身父曰以勉其子婦曰以勉其夫偷便安喜游竄之子弟  
或無以自立矣蓋一家無偷便安喜游竄之子弟不過一家之故  
耳使推其法而行之一州一邑及於天下可無莠民矣一州一邑  
及天下無莠民而尙有作不靖以干國紀者乎吾故曰家法之詳  
國法之所以簡也於虛太史此言是紀者真深知夫譜之功用而  
獨見其大者矣歲辛巳吾邑澥浦鄭氏重修宗譜其族人舌蓮孝  
廉權雪塍廣文傳箴海門文學文銓漁田文學傳蘅蘭吟齋尹傳  
瀾琴史明經錫恩嘯雲孝廉一夔芝昀齋尹芳壙榭塘文學芳址  
延余總其事鄭氏自靖侯公始居塘路沿後代有析居曰廟基頭  
曰後新屋曰十七房曰開口相距率不越數里綜計約千數百家

其譜草創於明萬歷間至國朝乾隆初其族祖國楨公起而修之支分條析釐然可觀顧義例猶未該備又僅以繕寫成帙辛羊亥豕不無訛舛今距國楨公時復百二十年子姓日繁亟宜重加纂輯蘭吟齋尹夙承先志殫積年之心力周咨博訪既正舊譜之訛舛又爲增益其闕略者如源流考山川記宗祠圖宅圖墓圖遺像雜著一一臚列而具登之而其義之尤大者則又在申明宗約詳定宗規以及先世之品端行卓與夫闡範之賢懿貞淑者蒐采無遺囑余叙次其事或別爲專傳或綴其崖略於本人世次下以闡其盛德而發其幽光外此若壽文若家傳若墓志碑表若輓章誄詞亦皆甄錄之以見一斑是揚其善不必彰其惡而善惡自

有別列其貴不必形其賤而貴賤自有等俾族之人得有所觀感而興起父日以詔其子兄日以勉其弟婦日以勗其夫父子兄弟夫婦相與循分守禮勵廉隅敦節義咸各以繩武濟美自期爲宗族光寵而無或有悖倫理敗閑檢之人將由一姓一族而推之一州一邑以及於天下豈非家法之修實有足以轉移風俗者乎譜凡十卷以嶸邑譜司活字板爲之始於庚辰迄辛巳冬告竣旣竣蘭吟乞余爲序余迺撮其譜之義例繫乎風俗之大洵有合於雅存太史之序荆氏族譜所云者爰節太史之文以著爲篇而弁諸簡端使世之修譜者倣而行之卽以之轉移風俗不難矣至所以尊祖敬宗親親合族辨系屬而序昭穆此固修譜之本義諸序均









譜藁原序

自宗法亡而學士大夫欲存先王尊祖敬宗收族之遺意道莫有先於修譜者雖然譜豈易言修哉有其志無其力未易言修譜有其志有其力矣而不有其時亦未易言修譜也我族自靖侯公卜居塘路沿年湮代遠世系茫然至不能詳其來自何地始自何時所傳萬歷舊譜一本信疑參半其以靖侯公爲一世以道一道二道三公爲二世而中間不表血線適成後人之疑案乾隆間有國楨公者嘗取是譜修之新立排行三十二世加粵字於三十二字之上爲靖侯公行以三十二世之首行肇字爲道一道二道三公行其間雖寓有微意而系圖猶仍其舊終於命行之旨未免自乖

則譜之不可以不重修在我族爲尤亟亟也先南平公自解組歸里屢議修譜而年屆古稀精力難爲之繼蓋有志而自傷莫逮焉予思繼先志者久矣奈費無所出徒耿耿於懷已耳咸豐庚申冬族姪竹溪重修祠宇成與予商及修譜予卽慨然引爲己任亟命瀾兒遠近採訪有因必問無主不查不葺年譜彙十完八九適粵匪擾縣境我族咸渡海避氛明年壬戌氛靖言旋復命瀾兒至舟山岱山等處訪族之遷徙在外者歷險窮幽摩碑尋碣抵臘而先世支流別派亦漸次就緒焉予方喜族之遠者有可以追分者有可以合宗法雖亡而先王尊祖敬宗收族之遺意猶有存焉者而先人之志庶幾可以竟矣不意癸亥秋竹溪忽焉棄世彙雖粗完

而費終無着而予亦老且病矣無能爲也已所願兒輩恪守先志弗敢忘異日有疏於財如竹溪者則欲竟先人未竟之志不難焉爰述數言弁諸譜藁之首爲兒輩勗并以諭我族之有同志者皆在

同治二年歲次癸亥冬十月旣望 十四世孫德容謹誌



子思子知志在久矣余嘗無所從以取於懷已且感於成事者  
歐陽文忠公修詞學成與子思及修辭子思慨然引爲己任而  
獨見於近世而有困必開無主不查不莽年譜數十卷久已  
同出二公遺蹟矣與余多建以禮望士以未如斯符辭亦  
迹信山等處訪談之經說在外者屢論其幽厚神學仍抵厥而先  
矣蓋禮有幾指辭亦之首級良輩最共以續修之序同志者  
類類忘其以存微而相成於辭者俱於演亦人未廣之亦不難  
而費然無恙而守衣盡且誠哉無指益也且思願良輩亦於



原序

澥浦鄭氏爲鎮海靈緒鄉望族其先靖侯公卜居其地年湮代遠無從考其所自來故萬歷舊譜以靖侯公爲一世厥後子孫蕃衍舊譜所傳未可盡信

國朝乾隆間國楨公起而修之抱遺訂墜數百年之舊本釐然一新然其中不無訛舛闕略也數傳而後大令虛谷先生以名進士宰閩之歸化南平等邑尋改嘉興教授晚年解組歸慨然以修譜爲己任未及而卒喆嗣明經小谷君思承其先志得族人竹溪君出貲相助亟命其子傳瀾偕從姪傳詔周諮博採積日累時稿幾完而有粵匪之擾壬戌寇平明年竹溪君遽下世又踰年小谷君

亦賈志以効傳瀾念先人未竟之緒乃潛焉流涕曰是余之書也夫是余之責也夫凡小谷君所已就而未備者仍之補之迄辛巳而譜成以余於鄭氏里居伊邇且有年姻至誼傳瀾又嘗從余遊乞一言以弁諸首余竊謂天下之事初始固難繼亦不易若譜之有事於修蓋承先而啓後者也先人承先志而修之於始後人復承先志而修之於繼其間相距遠或十數世近亦三五世子姓旣繁而時勢之變遷人事之代謝又不可一律論自非有一二卓識通才準情酌理通變而折衷之烏在其不背夫古不戾夫今而足以昭茲來許乎今觀鄭氏之譜大率由舊未嘗意爲增損而釐正其訛舛考訂其闕略則雖繼而有創之功矣於戲其不謂之善承

而善啓者耶夫今昔之事皆於譜詳之爲之裔者苟留意譜牒而  
父以之教其子兄以之詔其弟孝悌之心將油然而生由是而尊  
祖而敬宗而睦族凡所以綿世祚振家聲者率不外是而况鄭固  
大族簪纓累葉自昔而然近更英才蔚起多庠序之選知必復有  
大其宗而爲吾邑之望者焉則豈獨茲譜之樂與觀成也哉皆在  
光緒七年歲次辛巳十月旣望龍山澹泉楊鴻元拜序



原序

聞之劉知幾曰能言吾祖鄉子見師不識其先籍談取誚良以相繼相承其來有自儒者居今稽古自炎黃而下皆不難探討源流如指諸掌而况一姓之內一族之中其世系若何支派若何烏可忘其所自而漠不加察耶若然則譜尙焉顧就譜而論蓋難言之卽如吾慈與鎮邑接壤鄉間皆聚族而居族之大者數百家或數千家莫不有譜以叙世系辨支派欲求其本末詳明歷歷不爽者卒鮮何則在纂譜者草創伊始雖竭力搜羅每以年湮代遠考證無從旣不免於闕略矣而其後起而修譜者率皆因陋就簡無所匡正又奚怪服疇食德昧厥由來鄉子不復見而籍談之流且接



跡於今世也乙亥丙子間予館於鎮邑靈緒鄉沙河義塾陳生企南與鄭君蘭吟交最深鄭君時來晤談間及譜事則曰寒族向有萬歷乾隆二譜然頗多謬誤急需修理吾先人兩世皆有志於是而卒不果今遺稿尙存欲承先志而力又不逮奈何予因勸之曰凡事之成否視乎其志君苟欲承先志有志者事竟成也古人豈欺我哉迨予解館歸與鄭君濶別有年矣忽陳生企南來請曰鄭君蘭吟譜已事告成矣欲求先生爲之序幸勿卻焉旣而鄭君過訪猥以其譜就正予展冊讀之其間闕者補略者詳沿流溯源有條不紊訂墜刊謬無微不至彰竊嘆其用心之勤且精洵不易及以視夫因陋就簡者不可同日語矣而尤喜其有志竟成旣足慰先

人於九原並可爲世之欲修譜而畏難者風也爰抽毫而序之  
光緒七年歲次辛巳冬十月 慈谿卓生張斯槐拜撰

... 而又不... 凡... 故... 若... 而... 人...

原序

鄭氏系出周宣王母弟桓公友之後桓公初受封於鄭在周畿內  
歷數世至武公莊公入春秋獲麟以後傳至幽公見并於韓幽公  
生公子魯魯六世孫榮號鄭君生當時爲漢大司農居滎陽遂世  
世稱滎陽鄭氏爲海內著姓散處於州郡者不可殫述而惟吾浙  
浦陽鄭氏在明代累葉同居天子優詔褒美旌曰義門爲最著吾  
郡之鄭氏則以慈谿之鶴浦吾鎮海之海晏靈緒爲三望族靈緒  
卽澥浦之鄭氏也今年春蘭吟司馬以宗譜告成囑序於余自余  
出應郡縣試暨學使者按臨卽與鄭之賢士相名字又與鄭有連  
且多雅故雪騰廣文傳箴爲先君子門下士余又與廣文季父子



端孝廉權爲同年生於是益稔知鄭氏巾卷不絕代有聞人司馬  
之王父虛谷先生以進士出知閩之南平縣有惠政性誠樸不以  
宦海浮沈失讀書本色不合上官賂累逾數千金其弟月波先生  
出家財清官逋不以爲懟是時家不中訾南平亦以拙宦生涯致  
累昆季自憾而月波先生則慨然曰以官中絲粟肥其家者非所  
謂清白吏也拙催科而至以賂累傾其家者正所以貽子孫也嗟  
乎可以風矣抑輔濂幼時聞諸吾母之言曰鄭之先有節母時倭  
寇登岸抄掠村中人咸倉卒奔避節母抱幼子匿叢葦中俄而寇  
至以刀擬所匿處適及幼子肩節母能以葦葉裹其刀而徐以拭  
之寇視其刃無血遂不復蹤跡今澥浦鄭氏聚族盈千游庠貢成



均登賢書成進士後先輝映皆出自節母所抱之幼子也吾母又  
言曰臨變從容如節母者誠恆人所萬難幾及顧亦會有天幸蓋  
母能拭寇之刀俛無血不復跡視不能禁幼子使不啼也是則鄭  
之先德綿延鬱積以至今日者非偶焉已也

輔濂

承司馬誣諉急

欲讀其譜而詳其事則吾母所稱節母者鄭之八世祖君位府君  
之繼配胡孺人非節母也特事出皇遽各自駭散登岸抄掠非倭  
寇

皇朝鼎定沿海亡命假殘明義旅之名以擄括也而匿葦中之幼  
子則諱元士實司馬九世祖今言澥浦鄭氏者必首數十七房皆  
元士府君之一脈也嗟乎鄭氏此譜所關係者誠非尋常宜司馬

之不敢不憂哉司馬告余曰吾鄭自宋季遷居澥浦之塘路沿譜牒失傳不知所自先王父嘗謂及今不修則後有作者更難考據筮仕閩嶠斯事遂輟晚歲恆以爲憾先君子仰承先志時族兄竹溪封翁暨礪堂鳳書兩文學俱有同志粵匪踞擾議又中止迨吾母臨歿亦謂宗譜爲爾祖爾父所未竟之志今以墓田數畝畀宗祠爲修譜資爾力能成之其毋忘遺命吾用是益汲汲焉如恐不及也嗟乎如司馬者可爲世家子矣昔杲堂先生序萬氏家乘稱宋文憲公記鄭仲涵事仲涵奔走兵燹中人見其袖二書以行未嘗少離取視之乃宗譜也爲肅然良久以是知家乘一編人盡當敬守之今考仲涵爲浦陽鄭氏雖不知於澥浦何別而藉以見義

門流澤之厚司馬其亦聞風而興起者乎嗟乎觀於南平臯弟所  
爲匪特識量之過人甚遠而家庭雍睦足媿義門觀於司馬母氏  
臨歿之言足與先世胡孺人葦中奇節相繼誠不愧滎陽著姓哉  
余謏陋不文遠不逮臯堂先生無以發摠盛美乃撮述曩所聞著  
於簞俾鄭氏後賢有所法抑豈獨爲鄭氏法哉時在  
光緒七年歲次辛巳十二月既望

姻世家子謝輔濂頓首拜撰





原序

天下非常之事必待有非常之人而非非常之人無不成非常之事  
予以爲其中有數焉古今來負大志任大事者類多阻於勢困於  
遇而初心不遂天豈故寬歲月以底晚成乎是以基肇前人功成  
後世良非有善繼述者不能竟未竟之志成未成之事耳余於族  
兄蘭吟之修譜也蓋深有契焉兄王父南平公慨舊譜纂後歷年  
既久夙抱修譜志旋以民社羈身欲修不果兄父明經公思繼先  
志無日不以譜事爲念因依助乏人遷延者久之咸豐辛酉族人  
適議修譜事商及於公公卽欣然爲己任亟命兄先行採訪凡三  
閱春秋譜稿脩完而公遽於甲子冬逝世嗟夫始旣阻於勢繼又



困於遇譜之難成也一至於此自甲子距今又閱二十年矣蹉跎歲月伊於胡底欲獨修則力有不支欲公修則眾無其舉惓惓心目已耳去年春又有族人謂兄曰我族之譜錄成於爾一家此責良非異人任掘井方將及泉忍令前功廢弛乎爾但勉葺其事豈無樂輸以成美舉者奚事兢兢以經費慮也兄以爲然爰集二三同志就宗祠開局倩岷邑譜司活字印訂延邑前輩劉翥軒先生詳爲校定推靖侯公爲始遷祖道一道二道三公爲一世祖於東西中三房血線不傳者亦謹彙立一編凡舊譜有未周處闕者補之訛者正之予謂是役也名雖爲修而實不殊乎纂即如勅書誥命首重 恩榮墓誌壽言不忘稱述幽貞則搜錄靡遺實

行則品題就質科名仕宦時地務詳詩古文詞篇章盡美圖有宅  
圖像圖墓圖之別傳有專傳合傳內傳之分世次則詳其不備世  
系則續其未接源流有攷山川有記俾數百年舊緒煥然一新令  
讀是譜者入名山觀巨海有層巒疊嶂合派分流之致由是歎兄  
之用心精用力果其足以繼前人未竟志述前人未成事者於茲  
譜亦略見一斑矣事既竣謹書其巔末如此皆在

光緒七年歲次辛巳十月既望

十五世孫傳楷謹誌





原序

吾族自靖侯府君卜君靈緒鄉之沿塘其後爲東中西三房譜牒  
失傳不詳吾祖所自來慈谿鶴浦鄭氏爲吾宗之一望其先達寒  
村先生嘗著源流攷稱朝散大夫鼎與其姪兵部帥幹良中俱徙  
餘姚之龍泉鄉子孫蕃衍散居鄰壤可約而計者爲隆興康泰凡  
四支康房分居昌國靈緒龍山海晏昌國爲今之定海龍山亦隸  
於靈緒者而海晏則吾邑大澹江南海晏鄉也然世次名字均無  
稽焉吾族之有譜始於明之萬歷至 國朝乾隆間國楨亦吳兩  
府君創建宗祠落成迺繼萬歷而纂之吾宗秋槎先生嘗爲立兩  
府君家傳此爲澥浦鄭氏有譜之始先王父南平府君憫始遷祖

以下世次名字莫考者終無可考矣若不及今踵修歷年寢久因陋就簡後有志者不且致慨於莫爲之前乎況仰賴吾祖吾宗庇蔭之庥其爲士者類能立名砥行無媿舊家庠聲序音代不絕人其執四民之業者亦皆以勤儉起家能訓其子弟內行之敦篤闡儀之貞淑蓋指不勝僂矣迺壹志搜訪雖遠不遺並詮次先世之嘉言懿行與夫貞孝節烈之可法者屬稿方始會先王父成丁丑進士旋知福建歸化南平等縣晚年改官嘉興府學教授每憾服官廿載譜未成書爲先明經勗曰茲事體大爾曹異日當勉力成之庶慰我於九原也迨咸豐季年吾族兄竹溪家業隆隆日上與先明經有同志吾族僉相與慶曰譜之難成也由有志而無力卽



有志與力矣而無其人亦未必潰於成今日者南平之願望克償  
矣先明經用是益銳意纂成之時從兄鳳書分任其事而傅瀾承  
先明經督責遠涉海山周咨博訪脩具厓略適粵匪雲擾事卒中  
止未幾竹溪兄與先明經相繼捐館舍遂置不復問焉烏乎此責  
果誰任乎傅瀾自識之無即稟嚴命先王父所以勗我父者小子  
實備聞斯言先恭人彌留時舉墓田數畝囑之曰汝其以此畀宗  
祠爲後世修譜資其謹誌之勿諼自媿楹書尙在祖硯猶存不能  
博顯揚以慰吾祖父之志庶幾藉手於斯譜之成以竟先世未竟  
之志亦爲子孫者所宜盡之職事也是舉也始於光緒庚辰竣於  
辛巳冬十月從叔舌蓮舅弟勿庵海門水成族舅弟漁田琴史嘯

雲族子煦堂鏡塘菁夫子春寅初伯鯨禾卿實其囊其事而總其  
成者則明經劉翥軒先生鵬也譜凡有可考者按其實而詳之無  
可考者存其疑而列之補闕正訛俱見凡例至宗約宗規暨贍給  
諸條約悉仍其舊而增益之族人其參酌焉非傳瀾一人所敢專  
也迺識其緣起而爲之序皆在基田禮燭之曰必其以此與宗  
光緒七年歲次辛巳十月旣望祖命十五世孫傳瀾謹誌

世未幾竹翁與夫即聯所屬前合後分不致問焉似平此責  
大則雖晉書整越嶺山風客卿道時具溫祖族長國爲尋事卒中  
矣未聞聯田其益與意與夫之孫孫只鳳書長其率而聯承  
前志與代矣疏理其人亦未必貴也與夫印洋南平文廟樂京節

鄭氏宗祠碑記

鄭氏祖宋靖侯宗道公其有祠也始建於乾隆辛巳越百二十年光緒紀元歲復臨辛巳前楹之外而有後楹之建鄭之族人以前無記述恐跡漸湮謀立石祠中垂諸久遠其十五世孫傳灝詣予丐爲碑文並略陳先德與建祠之由予嘆鄭氏之多賢而於祠之一再興建尤有深異乎其人與事者是不可以無言先是其族有國植亦吳二公者雅相親愛晤言所及咸以先祠未建宗祏無依耿耿繫懷因思其爲舉事而規地鮮當集貲並艱籌畫者久卒無可償會有以其址告者詢之知爲亦吳公田辜較三晦有奇而其家僅藉此以濟衆皆默不復言于時亦吳公在座慨然曰吾當助



吾當助禮君子將營宮室宗廟爲先吾年尙強能自食力蠲此區  
區者俾祠宇得立宗祏以安我何靳爲因是國楨公亦作而言曰  
信然營建之費我當任之吾家亦未爲裕苟集事願割產之半且  
並願以田助祀并恤族之熒獨無告者議成乃諏吉鳩工庀材輪  
奐之美尅日呈觀堂室列廡都凡屋若干楹奉始遷祖以下栗主  
祀焉其後十世百世別昭穆以祔遺有餘址更俟續舉而國楨公  
助田百十畝族之以田助祀者復不一家此前楹之建之所由來  
也而其人與事異矣百數年來有戴恭人者子子婦之大母也爲  
凱臣先生室先生歿遺有一子曰傳華復中年凋殂無嗣恭人慘  
痛之餘議立所後並以祠宇後楹尙虛願輸貲建造因令傳淵總

其務肇事於光緒七年辛巳落成於八年五月都凡屋若干楹計費若干金後助田若干畝以綿祀典由祖姑以下婦耐於其姑妾耐於其嫡亦爲粟主以祀雖不必爲禮之正而人情所不能已聖王弗禁抑禮緣義起其亦亡於禮者之禮歟此後楹之建之所由來也而其人與事亦異矣夫人莫不蔽於所習而闇於所知平居遊嬉徵逐所費不貲曾不少惜語及急公則色然沮不或錙銖是較一毫之損創深厥中孝友睦婣任恤之誼闕寂無聞其來已久至於顛連喪亡慘莫告語情志瞽亂百憂攖懷其在婦人當有更甚乃鄭氏先後建祠顧有是卓卓者崛起其間志量之宏識見之大超越尋常何啻千百雖爲婦人亦若無難予是以嘆鄭氏之多





源流攷

予觀鶴浦寒村先生源流攷云鄭氏系出有周載於鄭元哲故家考袁晞姬姓錄及宋呂夏卿所獲唐四庫乙部第十二類之一卷上自鄭桓公至鄭溫爲一編下自溫之子南陽公鄭曄至安陽里鄭德全爲一編藏之內庫播之南北有年矣若歛若睦若閩之青村豫之南村岷之長橋葵之浦江臨安之暨陽龔村台海近而鶴浦龍山烏峯三界皆入鄭之源流而滎陽屬派也滎陽鄭滋德字永成生繼先號月山月山生寶字清隱清隱生廣鼎廣徙青州生長中良直良中官兵部帥幹徒餘姚龍泉鄉良直官兵部尙書徙安州生文榮文華文德文榮生獬獵獬仁宗皇祐五年狀元官至

翰林學士鼎官朝散大夫徙越州龍泉鄉生長祥良謙良吉良文  
良章良清良某先是鼎與良中俱徙龍泉鄉子孫蕃衍散居近壤  
約計四房隆房分住餘姚靈柯四明興房分住慈谿石臺并鄞西  
罍湖通遠樟村康房分住昌國靈緒龍山海宴泰房分住奉化後  
洋金溪象山鄞城方隅寒村先生按云此係族伯父省菴公所抄  
副本康熙丁巳年十二月定海海晏柴橋鄭碧雲見過問其家有  
譜否則云明時故有譜後爲鸛浦人持去今已無有問其源流若  
何則云隆興康泰四房之分其說往往與此脗合審是則靈緒之  
鄭氏爲康房分支我族自靖侯公卜居塘路沿厥後分東西中三  
房世系失傳延至道一道二道三道二分居廟基頭改道二爲安

二生四子而文四又自廟基頭分居後新屋欲追安二果係何祖  
分派竟無可考東房唯道三曾孫汶十汶十生敏廿二敏廿二生  
鐘字東滄行正十七分居十七房地以行名也東滄公生五子長  
文燧次文燧三文瑞字鳳臺明季時由吏員官温州署瑞安縣事  
四文充五文煥今傳五房其分居海甸開口爲汶十六亦東房所  
出又一支分居舟山馬塊雖世系莫攷而後人猶能識其出自西  
房尊卑之序未紊焉其餘分派之可考者如岱山廿畝塊茶前山  
總吉塊係後新屋文四派高亭山外係東房派長塗西劍係廟基  
頭文一派至分居近村以及衢山洋山等處轉有分支若象山黃  
巖紹興餘姚嵊縣諸暨杭州餘杭嘉興蘇州下鄉上海江北遠至

閩廣者分居之地不一祇得另表於世系世次之下吁自靖侯公  
 以來由宋而元而明以至 國朝七百餘年矣其間茫然無考者  
 不知凡幾况等而上之欲溯厥原委其道無由觀寒村先生源流  
 攷要不離隆興康泰四房者近是則吾靈緒之鄭與慈之鶴浦鄞  
 之方隅同邑之龍山海晏其為朝散大夫鼎之後抑為兵部帥幹  
 良中之後均不得而知是可憾也夫

光緒七年歲次辛巳冬十月既望 十五世孫傳瀾謹誌

卷首  
 三坐即正而文則定自前基原長假於源武煥  
 德派流轉下流東既御三晉歸於十好情全  
 德派流轉下流東既御三晉歸於十好情全



山川記

靈緒爲鎮海七鄉之一其山以達蓬爲主爲四明東七十峯之支  
吾族居達蓬之東南始遷祖卜居塘路沿蓋縣治北城之海塘迤  
邐而來至此已三十里云聚族當樺山之陽又達蓬之分支也東  
濱海北距伏龍西瞰香山馬鞍而金峩太白則遙拱於南近則息  
雲擁其左陡壘環其右其水則來自香山合就近諸支流東行至  
澥浦以達於海自浦口壅塞水轉南行由陡壘而黃沙閘而香山  
港滙焉又西折而出化子閘赴文亭江潮汐往來無間時日吾鄉  
田畝賴以灌溉者不下百千頃焉或曰山川信美於子之修譜何  
與乎余應之曰山者吾族之墳墓在焉是祖宗體魄之所安也川

者吾族之田產資焉是子孫衣食之所藉也而况天地秀靈偉傑之氣往往鍾毓於山川而時發之於人故曰地靈曰人傑夫地胡以靈藉山川秀靈之氣以爲靈也人胡以傑藉山川偉傑之氣以爲傑也既靈且傑有不占地道之無疆兆人文之日盛乎知不唯玉韞山輝珠懷川媚謂足壯山川色也余之作譜而記山川也則更有說大凡爲子孫者類以不克見先世之音容爲憾而覩茲某山某川爲吾祖吾父游釣之鄉有不覺卽景生情撫今感昔悲懽交集者曾是山川安必於我修譜無所裨益也哉時

光緒七年歲次辛巳冬十月  
十五世孫傳瀾謹誌

明吏員鳳臺公瑞安縣巡檢辨

十四世孫 德本 舌蓮

七世祖行靖五八諱文瑞字鳳臺東滄公三子也行詣事蹟舊譜  
闕略不載僅載公由吏員選授温州府瑞安縣巡檢署知縣事考  
公生萬歷二年乙酉身世所值俱係明季或謂爾時温州府亦與  
吾郡隸浙省同省人不應爲治民官不知此係

皇朝官制非明制也觀邑志明代仕籍方景升爲樂清縣知縣張  
君政爲紹興府經歷則同省人爲治民官自是無疑第查瑞安縣  
志瑞安縣巡檢乃

皇朝乾隆元年所設明季尙無此官此則實爲可疑耳本徧詢族  
中故老求其說而不得爲悵惘者久之既思作舊譜者爲公之族

曾姪孫國楨公而公之曾孫亦吳公亦與斯役爾時去公之世未  
遠傳聞較確使公果未曾出仕彼二公者豈有憑空臆造妄言公  
出仕之理且何以不言他祖出仕而獨言公出仕更何以使當時  
之族中故老皆以子虛烏有之事爲實而不竊笑其誣妄耶蓋公  
實曾出仕或爲他縣巡檢署縣事而非瑞安或爲瑞安之他佐貳  
署縣事而非巡檢二者必居一於此其曰瑞安縣巡檢者當是繕  
寫者誤筆二公未及勘正故有此失耳觀舊譜訛謬字甚多故知此安必非誤筆今則  
世曠年湮無可依據不敢妄爲更改姑仍其舊以俟後人之有學  
識者廣爲稽攷也時

光緒七年歲次辛巳十月冬

十四世孫德本敬誌



世系辨正  
觀乾隆譜系圖有行無諱者數處如道二公下文一文三文三兩房闕  
茂森二世系圖由森追茂由茂追文汶十公至道三公闕修永兩  
世修字僅存其行永字僅列永四一位昆仲未詳未可確指永四  
爲汶十之父祇得由永追修由修追道三汶十六以上亦然爰將  
永四附於補遺處以備稽攷又按東房皆道三公所出乾隆譜倫  
字行載文貴文小九靖五七其上皆不表血綫余於同治癸亥至  
岱山採訪查文貴子孫有分居高亭山外詢伊祖先舊跡即出舊  
存羹飯本見示詳閱其中所載有敏三三生正三六正四一正三  
六生文貴正四一居上岸始知譜內所載文小九爲正四一之子

若靖五七雖不知其父祖諱字既列東房支派其均爲道三公之後明矣又有祥字行龍茂課壽增四派其上亦無血線皆注敏廿二長房以下但既知其所自出不妨以行第追之如文四房以下五世失名森三三以下三世失名如是者不勝枚舉乾隆譜悉以行追茲亦遵其例至中房惠行有兆麟者乃德昌次子出繼德潤而乾隆譜誤爲德潤己子今特改正以辨其訛西房常字行有恭少江一派血線不傳查乾隆譜載在恭十七後恭十一前而其下世系及世次均附譜末第血線失傳甚多豈獨恭少江者附載譜末不無可疑今姑仍之我族乾隆間遺有房譜觀血線不傳無可承接者五宅中層見迭出今纂宗譜特將血線不傳者彙成以立

一編恐代遠年湮益深文獻無徵之慨云

按萬歷間梅謙始侯公為一世道二道三道三為二世不表血  
綫明知中有闕失然既不知相承世次似不應以一世稱靖侯公  
以二世稱道一道二道三公矣今觀乾隆間國棟公所纂汾譜新  
立排行憲十二世悉以四言成句另加考字於三十二字之上為  
靖侯公行以三十二世之首行舉字為道一道二道三公行確有  
萬意考係誤語衍首道靖侯公為我祖所自出有始遷發祥之氣  
承則訓始蓋以我族之繁衍實始自道一公其仲三人至若靖侯  
公而下道一過二道三公而上其由有無闕失在萬曆時已難稽  
考矣而今茲但為詳譜既難靖侯公為一世乾隆國棟公所纂

二長房以下但既知其所自出不知以行第也之如家國形勢  
 五世失名森三以下三世失名如是者不勝枚舉其隆謂森以  
 行追並亦據其例至中房惠行有兆麟者乃德昌次子出繼德潤  
 而乾隆謂誤為德潤己子今特改正以辨其訛西房常字行有恭  
 少江一派血線不傳到乾隆謂載在恭十七後恭十一前而其下  
 世系及世次均附請末節血線失傳甚多豈獨葉少任室附載請  
 末不無可疑今姑仍之我族乾隆間遺有房譜觀血線不傳無可  
 一斷蓋并錄字野益發文道無錄之謝云血線不傳者葉成以立



世次辨正

按萬歷間舊譜載靖侯公爲一世道一道二道三爲二世不表血綫明知中有闕失然旣不知相承世次似不應以一世稱靖侯公以二世稱道一道二道三公矣今觀乾隆間國楨公所纂房譜新立排行三十二世悉以四言成句另加粵字於三十二字之上爲靖侯公行以三十二世之首行肇字爲道一道二道三公行確有寓意粵係發語辭蓋追靖侯公爲我祖所自出有始遷發祥之義肇則訓始蓋以我族之繁衍實始自道一公昆仲三人至若靖侯公而下道一道二道三公而上其中有無闕失在萬歷時已難稽考奚論今茲但萬歷譜旣推靖侯公爲一世乾隆譜仍之有乖粵

字命行之旨殊不若以道一道二道三公為一世俾知粵字為追  
立專行非肇字可直接肇字為啓後首行粵與字不相聯庶世次  
不紊而行第秩然也

其意學制聲韻精詳也  
啟者公行以三十二世之首行肇字為一  
立世公三十二世無以四言為句  
以二世無一  
其間中亦關夫然迥不  
對萬世圖書館藏  
廿六 終五

補闕正訛

按乾隆譜所載疎漏甚多有書字而失諱者有書元配而不書繼娶者有失書生卒元配墓葬者有誤姪而爲子者有失書子誤以他人子爲己子者其遺漏牽扯指不勝計茲就其可查者照主補入如文一公以下慈字行有明九五乾隆譜書一子有福明百三八生一子正孚查明九五之主名汝堯繼男有福姪正孚立可知有福寶明百三八之長子非明九五之己子也又慈字行明兆查主補諱汝茂明龍補諱汝盛汝茂生三子長子正吉生五子譜中祇載正吉元配周氏生康熙乙丑卒康熙丙申得年三十二前年乙未生次子文霖越一年而卒則其餘三子無生母矣查主正吉

有繼室李氏一位始知其三子乃李氏所出方可符合文三公以下慈字行明百四十查主補諱汝金明三四諱無考生三子長福祿補諱光祚福免補諱光盈福壽補諱光裕文三公次孫森九森九之四子元十八元十八生亨四一亨四一生四子長次三無諱四正百九一其長子之子常行孫慈行亦無諱查主補常字行淳百三十諱彬慈字行明百一諱汝明亨四一三子之子常字行補諱聖如生二子長國俊補諱汝寶次無名補諱汝琦并將聖如生卒原配補入亨四一四子正百九一生淳百七三乾隆譜載二子明百九汝鯨世系下注或云生四子查主汝聖生天啓辛未書繼男正志立明百九補諱汝鳳又一主汝鵬生天啓丙寅書繼男正



義立汝鳳次子正志繼於汝聖三子正義繼於汝鵬合汝鯨則淳  
百七三之四子備矣乾隆譜載汝鯨生一子正己正己生占祥呈  
祥查汝鯨主生順治己丑查正己主生崇禎癸未無立主之人按  
國號年分明知正己非汝鯨之子及查正隆之主主上書明男占  
祥呈祥立生康熙戊辰始知正隆是汝鯨之子何乾隆譜以正己  
爲汝鯨之子今特照主易正將正己入於補遺處以俟稽查東房  
祥字行諱志縉者乾隆譜載以上失傳生四子長允次允三允先  
四允潛長生二子維英維藩及同治癸亥年至衢岱採訪適遇維  
英維藩子孫詢其祖父所自來卽出舊存生卒本見示其中只載  
祖常字行墓葬諱字不傳生子起鳳起鳳生文其分居岱山文其



系次辨正

譜已裝訂矣告竣在卽矣而確反復校讎又生二種疑難問題按舊譜系圖以血綫不傳者彙爲一編如東中西三房及西房三港派是考乾隆譜式係房譜式若云血綫不傳無可承接者五宅中層見疊出自光緒辛巳重修已改爲宗譜後例宜總編以歸統一又西房八世常行有恭少江一派血綫亦同東中西三房查乾隆譜載在恭十七後恭十一前而其世次自三世人行起至惠行附載譜末但血綫失傳者豈獨恭少江哉今亦編入以泯畛域惟排印時尙未見及已照舊印成茲經更動致中縫中卷數顛倒紊亂淆人耳目故特於目錄中編爲一本至十六本爲准並於簽條上亦

標明以分眉目庶閱者有所適從惟希諒之

民國九年歲次庚申八月既望

十六世孫瑾芳識

續五恭十小外恭十一節而其世文自三母人皆跋至惠台州雖  
 西縣八世當言育恭少功一派血脈衣同東中西三系查算譜  
 具圖出自光緒辛巳重修已知為宗事紛歧宜縣縣以編錄一又  
 最詳詳到譜友給其譜友昔云血脈不辨無可辨對香正字中風  
 蕭采圖以血脈不辨香柔為一縣或東中西三系又西系三系  
 蕭曰楚信矣若勉五明矣而 又對楚譜又主二縣譜問眼邊

系本輯五





自國楨公 國朝乾隆乙酉重修抄譜至同治二年彙修草譜適

九十九年

自小谷公 國朝同治癸亥彙修草譜至光緒七年續修合刊印

譜適十有九年 光緒七年至民國九年庚申重修適四十

年

章野瀾對給開關幽貞里固寶宜區專制激職山官採舉數百  
因勤舉大湖慈順德中颯謝香齊區籍簿出成煉書指命解舉  
平集何明舊譜林本友給既編茲順左妣宗譜琳用漢及舊譜凡  
譜不日發而日發香言份舊世而茲譜之規各編後後不致

新編

明處士東滄公傳

六世祖正十七公敏廿二公次子諱錙一作奎字東滄分居十七房之始祖也性樸誠持躬儉約與人交寬厚有大度以舊宅不敷居處乃於舊宅之西北隅別營新宅人以公行十七遂名其宅居爲十七房厥後子姓蕃衍科第繼起較舊宅及分居他處者爲盛實爲吾鄉巨族公距今三百餘年牛前行詣舊譜僅略載數語無由追攷其詳然後嗣之昌熾必本於先德之靈長公雖幽潛不耀而吾十七房之裔系乃碩大蕃滋若此亦可知公之深仁厚澤固有非一二端所能罄者正不必覩縷而詳其實也左氏云明德之後必有達人又云五世之後莫之與京諒哉斯言蓋不啻爲我十



七公預卜之矣公生五子長諱文燧次諱文燧三諱文瑞四諱文  
充五諱文煥文瑞公嘗爲巡檢署縣事公當必有勅贈而今所奉  
栗主顧不書銜者蓋緣舊祠栗主燬於火後人迫立時闕佚之耳  
同治癸亥十一月冬 十四世孫德容敬撰

其祖晉曰其公取令三百餘年本前許前許前許前許前許前許  
歲十小其祖許于其許許許許許許許許許許許許許許許許  
歲歲以許許字之西其祖許許許許許許許許許許許許許許許許  
長文以許許許許許許許許許許許許許許許許許許許許許  
六世祖五十許許許許許許許許許許許許許許許許許許許許  
祖祖許許許許許許許許許許許許許許許許許許許許許許許



清處士君位公傳

十四世孫 德本 舌蓮

八世祖行榮五三諱廷傑字君位鳳臺公三子也慷慨好義有膽識能任人所不敢任崇禎季年吾邑沿海多盜凡稍有貲產之家無不供其魚肉時率盜衆蜂擁入室肆行擄掠甚或縛執人去橫加撈戮吾族文四房下數家亦屢被寇虐不堪其擾因相與挈眷避匿他處歷年不敢歸田廬曠廢者久之迨皇朝定鼎浙東咸隸版圖命有司造魚鱗冊挨戶丈量田畝無主者入官是時文四房下尙避匿他處族人皆恇懼無措公獨出而代認卽以文四房下逃戶之土宇悉入己冊爲之完納糧賦以是得免入官後避匿者旋里公悉舉其土宇而反之文四房下數家得以還歸無恙重



清邑庠生璐如公傳

十五世族姪孫

傳楷

嘯雲

公諱元捷字璐如八世祖君忠公次子也性耿介以風節自勵博  
洽工文詞爲邑諸生與從弟翼雲公元登並有聲庠序康熙間公  
姊聳同邑虞龍滄先生二球督學江南延二公入幕主校閱先生  
有家役夤緣作奸以多金啖公欲與其事公大駭峻卻之乃喟然  
自歎曰此輩無恥敗類之徒吾豈與可朝夕共處哉即發其謀於  
先生偕從弟投筆束裝而歸其持節不苟類如此時在  
光緒辛巳十月旣望

十五世族姪孫楷敬誌

庚子年日十月...

十...

夫主爵...

自熾曰此輩無...

育家外...

較...

各工...

公...

諸...

十五...



清儒士愷如公傳

孫學恭公附

十五世孫

傳潮

海門

九世祖諱元士字愷如君位公季子也性孝友昆季四人伯元登公邑庠生前母張孺人出公與仲元璐公叔元達公俱出自胡孺人元登公長公十八歲已娶有室公時尙幼君位公以食指繁爲公兄弟析箸公稍長即旅遊就館於湖郡未幾元登公卒遺孤之珩公甫十歲公聞訃號慟幾絕卽踰踉兼程歸爲元登公治喪盡哀盡禮顧念熒熒者矜藐者孤何以爲生乃請於君位公與併而合爨凡衣食日用之需暨撫育教誨力任之無少歉如是者十餘年復爲之授室完姻視其成立而後始析居焉君位公雖抱西河之戚見公所爲若此心甚慰得弄孫自娛優游無他慮年至大

耄而終後元璐公元達公俱享大年兄弟怡怡白首無間言諸從子孫十餘輩皆式好無猶雍睦敦齒讓人咸謂公之身教有以致之云孫十一世祖諱肅譜諱允肅字學恭小字振綱亦蘧公之子國學生以孫虛谷公貴貶贈文林郎伉爽有幹才能任人所不敢任鄉里咸推爲祭酒時昆明周壽南先生樽宰吾邑操守清廉勤民事尤悉心水利吾鄉河渠歲久淤塞令民計畝派濬每下鄉躬自督察就公商權公知無不言爲力陳利弊且殫心籌畫以佐其勞事皆盡善先生深加器重恨相見晚事旣竣爲書華國英才額以表其廬先生遇紳士有以私事請者輒嚴斥不與通獨與公情投意洽如膠斯合然則公之生平行誼亦槩可想見矣時在

光緒辛巳十月既望

十五世孫傳潮敬誌

高祖諱世昌字天玉蕙芝公三子也性孝友事親極其孝  
諭色由自深愛無一毫虧飾年十也喪母號哭不止嗚咽作  
爲子泣聞者咸爲淚下時蕙芝公年踰周甲公晨夕侍奉建步不  
離膝下字叔翁老人懷問或孫父命出外經商每逢父母難辰  
暫得歸自數百里外必死期兼程歸無一歲不奉觴於父母  
蓋於母者最篤時人稱其孝公族居杭郡廉卒無嗣公聞訃號  
喪絕食請於伯兄世茂公以次子允壽授之公天壽明敏而處世  
剛正於和風與人交推心置腹無欺詐之語論國事憤然不出  
言其任職以國體爲重加錮刑於家不與校以故州縣皆感其

之云孫十一世祖... 國學生以... 任... 民... 日... 身... 以... 改...



清處士天玉公傳

來孫 秉和 琴史

高高祖諱世昌字天玉慧芝公三子也性孝友事親極真摯婉容  
愉色出自深愛無一毫僞飾態年十七喪母號哭不止時呱呱作  
孺子泣聞者咸爲淚下時慧芝公年踰周甲公晨夕侍奉跬步不  
離惟恐以岑寂傷老人懷間或承父命出外經商每逢父母誕辰  
暨母諱日雖數十百里外必先期兼程歸無一歲不奉觴於父薦  
羞於母者昆弟四人季世榮公旅居杭郡病卒無嗣公聞訃號仆  
幾絕爲請於伯兄世茂公以次子允武後之公天姿明敏而處世  
則一於和厚與人交推心置腹悃悃無華言論間呐呐然如不出  
諸其口或以橫逆相加輒夷然順受置不與校以故州閭鄉黨間



清例授修職郎國楨公傳

亦吳公附

龍山 鄭兆龍 二泉

公姓鄭氏諱光祊字國楨鎮海人也世居澥浦乾隆辛未甯郡大饑公首諸富人出粟賑貧民遂得咨部議叙補入成均爲貢生公精於白圭之術壯年客遊嘉蘇間棄取廢舉屢能奇中數致千金而慷慨好施以故所入雖贏而其家貲亦不甚富厚晚歲或勸以爲子孫計者公曰我老而得子當積德以貽之豈事積金乎由是家居益肆力於爲善凡所以崇祀祖考收恤宗族陶成子弟與夫爲鄉鄰興利除害者無不周至而曲盡也鄭氏凡六七百家舊無大宗祠公欲營立之久而難其地辛巳會公族弟亦吳公有田一區願捐爲基公大喜遂出金成之其族人之樂助者聽不樂助者

不強也而公所出凡千數百金因復出田一百十畝以養其族之  
鰥寡孤獨廢疾而貧無依者自是澥浦之鄭人無失所者矣公又  
嘗出田十畝贍其小宗之讀書者而自曾祖以下祀產之微薄者  
悉爲增益以及外家之絕祀者亦爲置田延祀統計公前後所出  
田蓋幾分其家業之半焉澥浦居慈下流時水道淤塞夏患旱乾  
春秋患衝突公募工疏濬爲建林家橋周家橋吳家橋三橋旣成  
慈鎮兩邑居民至今咸賴之鎮邑瀕海人以漁捕爲生時患海盜  
公嘗與守汎營弁募千餘金囑其嚴緝盜爲屏息公卒於乾隆壬  
寅公卒後十餘年廣閩諸失業之人嘯聚海中各據要害處擁巨  
艦數百劫殺客商傷拒官兵至嘉慶丙辰遂勾引交人入浙勢愈



猖獗督撫移檄招撫不應焚燒村落擄掠婦女温台鎮象定間被  
害者不可勝數聞閩尤劇南北路絕瀕海失職人情洶洶不知所  
出議者以爲計惟海濱諸富人各出金募勇幹以助官兵勦擊則  
此烏合蟻聚之衆殄殲不難然而卒無一人肯爲之者於是我鄉  
人無賢愚老幼益思公不置矣 公諱玠字亦吳國楨公之族昆  
弟也家無餘貲性好施與凡有公事無不勇於有爲乾隆辛未歲  
饑邑主王公勸捐爲七鄉首領捐貲以飼餓者全活甚多郡主邑  
主各有旌獎國楨公欲建祠公助祠基三畝餘以成其美其他好  
善樂施載諸故老口碑者大率類是族高其誼同國楨公以崇祀  
云時



例授迪功郎亦吳公傳

劉孝恩 寶星

公姓鄭氏諱价譜諱之玠字亦吳元士公季子也伉爽明大義家不中貲而性好施與宗黨有困乏者商於公卽慨然俛助不足則爲之代呼將伯以紓其急以故義聲聞鄉里鄭氏自靖侯公始居塘路沿後分居廟基頭後新屋十七房海甸開口諸處族姓繁衍而未有宗祠公族兄國楨公欲創建而難其地躊躇久之公聞之與言曰兄欲建宗祠乎曰有之曰難其地乎曰然曰果爾則弟有近宅之田三畝餘合諸處約計之遠邇適當其中願以此爲祠基地曰弟非田連阡陌者今盡出所有奈弟無餘產何曰兄以百十畝助祠而弟所助者僅此區區弟方愧不如兄多矣兄奚事爲弟



計慮哉國楨公感其意乃許而從之因卽其地營構堂宇闢庭廡  
築垣墉不數年而宗祠得慶落成焉旣又與國楨公纂修宗譜凡  
搜採增訂諸務公力任之不憚勞乾隆壬申歲大饑道殣相望邑  
令王公議各鄉開捐賑濟命公主其事公首先輸粟爲鄉里倡且  
勸諸殷富各出倉儲已乃躬自督理施粥以食餓者全活無算王  
公高其誼爲給額以獎之公生平行事大率類是今其族之後人  
以公與國楨公特祀於宗祠旁廡顏其堂曰崇義云時

光緒辛巳十月冬

劉孝恩敬識

公於暇日輯介類稿之似字亦吳元士公率于出於爽即大歸東

隱孝恩



清恩貢生逸亭公傳

十六世族姪孫

有倫

鏡塘

吾宗自安二公由塘路沿遷居廟基頭歷十餘傳尙未有習儒業以文學著稱者有之自族高叔祖逸亭公始公諱恢譜諱大容字宏模逸亭其號也曾祖友學祖德貴父文成皆隱德不耀康雍間有鄭門杜節母青年矢志卒享高年以完節終邑令以松齡柏節旌其門者卽公之曾祖妣也公生而岐嶷天資穎異過人甫垂髫入塾讀書輒能通大義塾師驚喜謂公父曰此君家千里駒也宜善培之乃漸授以經史旁及諸子百家靡不熟習而周覽焉比長握筆爲制舉則文根柢湛深蔚然經籍之光每一藝成同輩皆歛手歎服未幾受知學使者補博士弟子員歷應歲科試復爲宗工

所賞拔洊列高等餼於庠聲名噪一時人咸以大器期之由是遠近學者爭負笈執贄願從公遊公悉心訓迪孜孜不倦門下如族曾叔祖虛谷先生輩多掇巍科捷南宮以去而公顧連戰棘闈雖屢膺鶚薦而僥得僥失髡毳秋風依然故我後遇嘉慶元年 睿皇帝登極恩貢入成均竟以明經終公既以教授著鄉里脩脯所入歲益豐腆公即藉此爲膳羞資每食必羅列甘旨躬侍几案勸二老加餐或時招三兄一弟團聚親側笑語酬酢以博二老歡公父母後俱年登耄耄以終兄弟亦至老無間言歲癸亥公年五十有八以疾卒子三人天垣天墀天垚天垚天垣字應三恂恂篤雅積學力行有父風弱冠入邑庠屢赴鄉試不售年至四十餘賫志以歿

天堯性英敏數應童子試迄不得掇一芹遂棄去至四十餘歲亦  
卒孫四人無復繼公業者嗚呼自公卒後至今相去不過八十年  
耳乃詢其後裔僅存曾孫輩一人門祚衰微子孫零落殆盡吾宗  
廟基一支詩書之澤以公始者卒未能見公之後人綿延於弗替  
余傳公生平不禁爲之長太息云時

光緒辛巳十月旣望

十六世族姪孫有倫敬誌

庚子年十月十日  
 余謝公坐平不熱誠以是表直之無  
 願甚一愛補書之學以公讀昔卒未論  
 其長而具好齊備等自稱輩于八門新  
 卒將四人無財無及樂善即知自為卒  
 天我遇英煥禮順道亡歸之不勝感一  
 我益乘其家清四十始



清敕贈文林郎邑庠生靜菴公傳

王人鑑 蓉堽

公姓鄭氏諱泗譜諱維博字文淵靜菴其號也始祖靖侯公卜居鎮海靈緒鄉路沿村公六世祖正十七公諱鏗者於旁近別營新宅人號十七房遂爲十七房人祖之瑗父肅俱國子監生代有隱德公生而岐嶷有至性事父母先意承志能得堂上歡事繼母亦如之弟二人遇之甚厚怡怡友愛至垂白無異總角時天姿穎敏幼時就外傳讀四子書輒心解大義比長益攻苦力學博涉經史受知學使者補邑庠博士弟子員屢赴省試不得志遂絕意進取日惟嚴課諸子且以培植後進爲己任見宗黨中子弟稍有可造者必多方引掖之俾底於成終其身不倦先是鄭氏習儒業者恆

寥寥自公次子益齋公濡染家學領鄉薦捷南宮由此族中人文蔚起多士踵接列名巒序者濟濟日盛闔邑咸推爲衣冠望族皆公之教有以振興之也靖侯公旣始居路沿村有祭田塘下海地五十餘畝歲取所出爲祭享演劇費以世居舊宅之後人司其事而分居他處者不得預地故與戴姓地毗連戴素號悍族地被侵削漸至據爲己有舊宅司事者與辨論執不服且以危言相恫喝因走告公公爲具詞呈邑令令左袒戴事幾不得直復由郡監司歷控諸臺憲臺憲檄屬員審勘地始復公所費已貲已約千金司事者無以償公貲卽以地讓公公力辭不受舊宅宗老率諸羣從踵門敦勸情詞懇惻願公受地公不得已乃受其半而歸諸新宅

之祖爲正十七公祭田迄今鄭氏始祖靖侯公每歲享祀演劇諸  
盛舉藉以不墜而十七房始遷祖亦得與其始祖並隆胙饗於勿  
替者非公之力不及此公他事當不僅此也然即此已足傳矣時  
在現行鄉塾動必以禮少時赴童子試題不得志於有司同輩俱

光緒辛巳十月旣望 梓別屏間公視之夷然 王人鑑敬識

江久旅遊他省喜結編名大賈出與國重慶趙先生昆季尤善  
及先生歸浙學校臨晉鄂人舉以公於先生爲世誼誠必值公聞  
之笑曰應試將以立名也若然則試而見替道以敗名矣遂不赴  
自是絕意進取耽研經史暇或覽山海形勝以自娛及若歸失情





清儒士健庵公傳

劉鵬

翁軒

公姓鄭氏諱維乾字一元健庵其號也世居鎮海靈緒鄉祖之璘鄉飲賓父允孝太學生俱以孝友稱鄉里公賦性端重讀書尙躬行規行矩步動必以禮少時赴童子試屢不得志於有司同輩儼巧者或以剽竊時藝俸列庠序間公視之夷然不屑也公父客甬江久旅遊他省喜結納名人賢士與閩雷翠庭先生昆季友尤善及先生督浙學按臨吾郡人咸以公於先生爲世誼誠必售公聞之笑曰應試將以立名也若然則試而見售適以敗名矣遂不赴自是絕意進取耽研經史暇或覽山川形勝以自娛公髫齡失恃每遇母諱日祭品豐潔必手自持奉以進跪拜訖輒嗚咽不已其

事父與繼母也晨昏問視纖悉必周至年踰杖鄉猶恪循旁侍隅坐諸節與弟維震相友愛怡怡藹藹白首無間言平居獨處危然端坐無惰容無側態冠裳整肅雖盛暑不解禪襦遇族黨中尊行必恂恂執子弟禮卽乞食之老者踵其門亦起立禮遇之朋輩聚首時偶談忠孝節義事公則引經據典滔滔汨汨眉色飛舞若躬歷其境者間或及青烏家言則又口講指畫摹繪盡致以爲未葬先世者勸惟諧謔問作或臧否當時人物則緘默如常不發一語凝坐片時卽辭去以故里中無少長男女無不欽重公者迄今猶嘖嘖稱道之不衰嗚呼自士風日下被青青子衿貽譏城闕口賢聖而躬佻達卒之沒世無稱至求其遺行而已爲狐貉噉盡者所

在多有而公獨敦崇實行置區區之浮名而不顧而名之副其實者卒歸之而且相與永之孰得孰失固不待智者而能辨矣

村人曾祖曰陸祖之瑛父允通俱隱德不耀公孝劉 鵬撰

服買東粵將拓無所遇轉遊吳爲業魚鹽者操會計僕僕倍息或乃積已數自設應舉明務勸儉爲肆中人倡業日起在吳城十年言動不苟與人交必誠必信遇有以急難告者必多方代籌或隱隱似舒其困尤好爲善如施茶施藥送印書書請舉薦行之無不其時以黜色同人人多信而從之或以故吳市東無論廣與不廣皆呼公爲方先生公既以勤苦起家嘗顧念父母每自吳門歸必





清覃恩上壽賡堂公傳

周光奎

星南

公姓鄭氏諱惠舜字孝尊賡堂其號也世爲鎮海靈緒鄉塘路沿村人曾祖日隆祖之瑛父允通俱隱德不耀公孝友端慤少貧困服賈東粵落拓無所遇轉遊吳爲業魚鹽者操會計屢獲倍息旣乃積已貲自設廛肆躬務勤儉爲肆中人倡業日起在吳數十年言動不苟與人交必誠必信遇有以急難告者必多方代籌或解囊以紓其困尤好爲善如施茶施藥送印善書諸舉歲行之無倦且時以勸勉同人人多信而從之者以故吳市中無論識與不識皆呼公爲方先生公旣以艱苦起家時屢念父母每由吳門歸必市紉葛絨毳及果餌諸異品爲堂上製衣裘供甘旨比父母相繼

歿哀泣如孺子喪葬盡禮躬任之第三人友愛無間言仲早世爲  
撫育其遺孤如己子公嘗憫族中貧乏無依者乃置田十餘畝歸  
助宗祠俾司事者歲取所出粟以贍之曰吾不忘少時亦嘗罹此  
厄也年七十一以疾卒於家公卒時三子俱英俊能嗣父業二孫  
亦嶄然露頭角今且蘭蓀蔚茁門祚益昌人咸謂公之食報不爽  
云時口贊自始祖繼德於中人所業日盛公與博士學  
光緒辛巳十月冬週感轉越吳流業魚鹽濟世周光奎敬誌恩德  
林人曾脈日割脈以報公之德其德不斁公卒次歲慈少貧困  
公救濟刃藉惠錄卒卒奉報堂其與世州爲驗報靈辭謝報報  
尚覃恩士壽類堂公辭

清賜進士出身

敕授文林郎南平縣知縣虛谷公家傳

楊鴻元

澹泉

鄭生傳瀾子友小谷明經之季子也將承先人遺志纂修族譜述其祖南平公暨明經君行略請家傳於予予不文何足以傳公父子而生請之不已予不得固辭也按南平公諱謙譜諱光烈字益齋號虛谷鎮海人性慤謹遇人渾渾無矜飾而進退取舍必衡以義嘉慶癸酉舉於鄉丁丑成進士授職知縣始署福建歸化縣事閩南故蠻地風號難治而歸化深山窮谷間尤多寇盜公至捐廉俸募鄉勇嚴行緝捕盜風爲之頓息去之日紳耆攀轅者不絕於道題額延平之南平縣縣當上下四郡孔道羽書旁午使者賓從



往來絡繹公於供帳應給取具而已未嘗奮緣要媚冀博上官歡由是不獲乎上旋被議改官嘉興府學教授當是時左遷閒冷人方以醇謹獲咎爲公惜不知公本淡然於宦情者當榜下固擬就教房師袁金溪先生勉以民社之責匪異人任乃始捧檄闡南也在嘉興十年門下士多所造就以聞季弟月波公耗哀痛過甚患心悸遂引疾請歸渡錢塘又慟欲赴水幸明經君隨侍竭力抱持之乃救免蓋至性有過人者初鄭氏明經恢公諸父行也公嘗從習舉子業恢卒公周卹其家備至又日力疾奔走爲之終館事則公性情之篤又不但友愛已也道光庚子夏六月以疾卒於家春秋七十有五子五人德滋國學生德容歲貢生即明經君也別有



傳德生國學生出後月波公德元先卒德峻邑廩膳生夫人有真性情必有真學問有真學問必有真經濟公政蹟之可紀者當什伯於是惜予識明經君晚未及詳爲之詢而今時遠世殊無有能道其詳者僅傳其宰南平時嘗自割膏腴之半以備不時需則其清慎自勵不忍累民之槩亦從可見矣昔東坡序范文正公集以不獲見文正公爲恨予未獲親炙公之光儀猶幸及交明經君又與文孫有淵源之契得以想見公之風采今又傳公生平竊冀倖於文以人傳則予雖萬不及東坡而以後學仰企前賢固猶是東坡序范文正公集之志也時在

光緒七年歲次辛巳十月既望

鄉後學楊鴻元拜撰



清國學生月波公傳

陳紹唐

南企

公姓鄭氏諱臨譜諱偉烈字月波世居鎮海靈緒鄉澥浦邑庠生  
例贈文林郎靜菴公季子也天性篤摯事父母能得歡心居喪盡  
哀兄二人公事之尤深愛敬公夙有幹才自少卽業買甬江仲兄  
爽甫公操家政而伯兄益齋公習舉子業嘉慶癸酉科益齋公登  
賢書甲戌赴禮闈試不售至丁丑已無意計偕矣公力爲敦勸始  
勉行是科捷南宮以知縣用後分發閩省歷知歸化南平兩縣事  
公隨任司幕務綜理參畫風紀肅然益齋公倚之以爲重嗣以拙  
於催科虧負南平縣額課益齋公改授教職補嘉興府學教授而  
公仍歸甬理舊業焦勞拮据晨夕竭心力爲補苴虧負計越數年

而南平之巨款卒得墊償如數益齋公嘗感喟不置曰微吾弟吾其無安枕時矣爽甫公剛直任性意氣不下人公每柔聲怡色因事納諫爽甫公初不以爲然旣而歎謂人曰吾弟涵養深醇吾所不及吾深味其言言言皆吾藥石真吾同胞中良友也公年屆四旬尙無子益齋公每勸其納籓室公辭曰子嗣自有定數即無之猶子卽吾子也何慮焉益齋公不得已乃爲購二姬以遺公公重違兄意始受之然二姬竟無出益齋公卽以三子德生爲之後德生才而賢事公如所生公亦視之如己出云時

陳紹唐敬誌

光緒辛巳十月旣望



清誥封奉直大夫晉贈資政大夫浦山公傳

楊夏復

愚泉

余嘗與張君鎮西論近世人物多務文藻馳逐聲氣而篤倫紀者絕少苟有一人焉能用力於人紀而盡其職之所當爲有裨於世教人心者非淺而傳之可光諸簡策張君曰若然以吾所知莫如鄭翁浦山自吾館於其家見其飭躬勤以樸其宅心慤以仁其於倫紀無絲毫遺憾余聞之輒心儀其人而欲一見奈里居相距餘四十里無因緣會合今歲孟冬翁捐館舍已數月嗣君士暹以狀介張君來乞文余適遭心悸疾而重其人不敢辭遂力疾而爲之傳翁諱德標一名錦章字建霞浦山其號也考諱學泗字文水生三子翁居其長次諱德權字巽山季諱德楹字巨山文水公當壯

年時幕游臺灣聲名卓著薦紳間而翁之祖考我賓公操魚鹽業於甬江晚年慮佐理無人遂命翁棄儒學賈年甫冠我賓公棄世翁獨主其事是時文水公已倦遊歸里僅數年而卒翁偕二弟哀毀骨立喪葬盡禮母毛太安人在堂翁事之先意承志色養備至事無鉅細必咨稟而後行太安人素不佞佛自奉甚約而性好施與翁卽以太安人之心爲心三黨以匱乏告太安人命周給之無不應其有貧不能婚娶或嫠居無依者更量力俛助之翁外權子母制出入業日起而內則躬持節儉歲用外善畱贏餘雖寸縷尺帛不敢妄耗並蓄以待母需嘉慶乙亥歲歉發倉儲以賑餓者又於蕭山養濟堂施寒衣數百十襲其他捨棺槨立義冢建梁治道

諸義舉凡太安人所命悉遵行之不少吝蓋太安人固好行其德而亦由翁之仁慈惻怛出於實心與孝思相感發故百從而無一忤也翁嘗言後世人倫之薄莫甚於兄弟方垂髫嬉戲時肩隨聚處無少間也及年齒漸長各授家室幾微之嫌輒成瑕隙甚至爭凌鬥鬪積不相能視骨肉不途人若者比比皆是公獨與二弟敦友愛食同几寢同室笑語行坐跬步不離雖田荆姜被無以踰此不幸二弟相繼卒季弟無子翁以三子士杲後之仲第二子俱幼翁顧復教養俾俱至於成立而翁年已六十有七矣見其克成家業始與之析爨又不幸二姪相繼又卒遺孤二翁撫之如已孫張君所謂處倫紀間無絲毫遺憾者於此可驗矣翁念祖父母未邀



封典爰遵例捐布政司經歷 地封先代如其職後以捐輸軍  
餉嗣君士暹膺鹽課司提舉銜翁 晉封奉直大夫世居鎮海漣  
浦以生齒繁衍宅旁無隙地可拓遂以舊居與其姪今年春自挈  
眷卜宅於甯郡先是族中有無力殯葬者暴露其棺於風霜雨雪  
之中翁每爲心惻乃命後嗣出貲置地俾聚葬其處并助祭田於  
宗祠設中元盂蘭之會其好義不倦又如此翁卒於道光己酉七  
月初八日年八十歲德配孔宜人能佐夫治家人咸稱內助云時  
道光己酉十月冬 人倫

而亦由德文公慈訓時出贊亦與孝思厥德壽考百齡而無一  
諸德舉凡太遲人起命慈靈示教不也善益太安人固我亦其



清處士開文公傳

族姪 傳瀾 蘭吟

公姓鄭氏諱開文無字世居靈緒鄉廟基頭村瀾之族伯父也生有至性家綦貧幼時未就外傳父天喜公卽命從事農牧公受命無違日負一筐刈草野澤間盛夏赤體烈日中汗淫淫雨下冬則衣百結衣泥濘沒髀每當日暮歸輒揚揚然唱村歌里曲博父母歡以示無苦比長娶妻戴孺人常以善事舅姑爲勗每夕必偕至父母寢室爲之安枕覆衾徐俟熟睡然後退以爲常中年父歿哀毀拮据薄葬陡甕灘時時至墓間省視啜泣不已繼而妻亦卒艱窶益甚力未能續膠公慮母伶仃致感卽移已榻伴母寢又恐業農未能常侍左右乃爲人以雜薪易爨下灰每出必告母不踰時

卽返返未入室輒連呼阿母阿母曰兒歸矣若恐母有倚閭之望者公嘗以未能奉甘旨爲憾遇少有所入輒市母所嗜者以進歡笑騰躍勸母加餐以是終母之身未嘗一日有戚戚之意母年六十九以微疾卒公時年已近艾大慟仆地哀哀作孺子泣旣葬一出入輒長號呼母淚隨聲下先是公母嘗禱於黃公廟神爲公求嗣母卒後公齋沐詣神前叩首訴已不孝致負母夙願且乞神轉爲母賜冥福余適過其地見之詢公何事則公涕不可仰潄潄然襟袖盡溼余爲感愴者久之噫公未嘗讀書解文義孝經內則諸篇不知所言奚若而其生平之事親乃爲讀書解文義者所不逮非至性過人而毫無假飾勉持之意者胡能若此公卒年五十七

無嗣余恐其湮沒不傳爰述其梗槩勒諸家乘俾後人知吾族中  
不讀書解文義而無愧爲人子者固有公其人也則庶幾公爲不  
死矣時

光緒辛巳十月冬

傳瀾敬誌





清誥贈朝議大夫

庭蘭景員

二公合傳

盧友炬

寶輝

鎮邑靈緒鄉有溫粹樸厚昆季並稱於鄉里者曰開芳字庭蘭其弟曰開圻字景員庭蘭公長景員公三歲才性謹練年十七即隨父天治公往岱山營魚鹽業稟承父訓籌畫屢中業日起天治公遂以岱政委之而歸歸而患風疾十餘年公每由岱至家與景員公朝夕侍疾扶持抑搔自調參藥以至滌廁踰皆交迭躬親之迄父卒無少懈事母陳太孺人色養備至一如其事父太孺人壽至九十二以高年終猶嗚嗚哀泣不置二公故有兄曰開侯娶嫂氏劉踰數年而卒無子二公痛兄甚乃以庭蘭公長子秉然爲之後秉然負穎異姿力學能文年甫冠娶妻生一子有倫而秉然又卒向者耶耶氏宗普

卷首

庭蘭景員二公傳廟基頭一

七

二公憫嫂氏嫠居而又喪子也以其所以事兄者事嫂內政無鉅細悉由裁權有操作輒使二娣任之凡嫂所欲爲委婉順從無少拂忤者秉然旣才而蚤世庭蘭公益歲延名師課諸子讀而培育有倫益力景員公以有倫少孤視若己孫尤加意撫恤之洎有倫入邑庠庭蘭公悲喜交集曰惜吾弟不及見矣先是庭蘭公客岱岱人暨同業者重公行咸推爲領袖後景員公代公任客岱且久推重者亦如之至諸子繼起而景員公始歸佐兄持家政遇委瑣繁劇事躬任之不憚勞暇則兄弟聚談晨夕不離雍雍肅肅宛若師友衣布食淡優游坦適每援古人嘉言懿行及先世艱難以訓勉諸子以故同居四世家庭無詬誶聲子弟無紈袴習氣人咸謂

有浦江義門之風焉庭蘭公胸無城府然取友必端無妄交里黨  
中有學行者敬禮之歷久不衰一踵門必設盛筵待又好濟人急  
嘗集錄古今驗方以備用景員公和平樂易尤善體人意生平對  
家人暨工作傭媪輩未嘗疾言遽色內外長幼咸稱之爲好叔公  
嘗念廟基頭始遷祖向有祭田而欲置二世祖文一公祭田以隆  
胙饗且得於享餽時聯宗誼未果會有疾遺命子若孫竟其事而  
卒年七十庭蘭公後景員公四年卒年七十七後人亦克守先業  
云夫富貴顯赫之家世固不乏然不再傳而門祚中衰先人矩矱  
蕩焉無復存二公以服賈起家樸素無華持躬行以垂家範而後  
嗣之輩出者如符斯合舊德先疇繼繩弗墜蓋近世中所見亦罕

吾有以歎二公之遺澤深且長矣時

光緒辛巳十月既望 盧友炬敬誌

夫富貴賤戚之定世固不以不取辱而門

卒乎此方聖蘭公之景具公曰平乎此

無器已) 無事我親德宗廟泰果會百

善念誠基德德發斯時而論其世脈天

其人暨正非德盛隆宗德起有教自

當其難古者錫式以諭其身具矣

無辱以子皆游盤以湖之不完一

...



清會稽縣學訓導庠貢生稻香公傳

子傳  
箕附

姚江朱蘭

九香

公姓鄭氏諱楷譜諱德階字升初號稻香世居鎮海靈緒鄉路沿村自其先世東滄公別居十七房九傳至公代務耕讀曾祖諱肅國學生贈文林郎福建南平縣知縣祖諱淮父諱薰俱國學生後以公貴俱贈奉直大夫公少穎異贈公課之嚴時從伯虛谷公暨任茗香劉星若兩先生皆經明行修命公師事之學日進道光甲申受知杜石樵先生補邑博士弟子員癸卯貢成均咸豐丙辰攝會稽學訓導篆修黌宮濬泮池職事具舉教諸生必先器識後文藝甫一載士習爲變公性勤慎詳緩重然諾不妄交游好爲人息紛排解輒當有急則周濟不吝見族中後進循循善誘尤急公好

義國家勸輸籌防銅米諸捐極力報効本邑修城浚河營衛署築海塘皆出貲贊成其事而於鄉里之建梁治道及施棺槨捨衣藥諸善舉更篤行不倦道光壬辰歲大饑道殣相望公偕族殷富出粟千鍾賑贍浹月族無餓者咸豐癸丑八月會匪陷滬城吾邑人心洶洶土匪乘機肆掠勢甚熾族中籌防公又出貲募衆暨鄭氏四族旁聯他性巡警三閱月里中藉以安堵丁巳春西匪流竄日近公慮吾浙不保積憂患怔忡症詣紹府尊恩公符請代申大憲札令回籍調養大憲委上虞縣陶公雲升驗視猶加考語謂公平日居官謹飭正須幫辦紹屬團練因固畱不遣後疾益甚始准予歸里至庚申春賊犯浙境公病中開警乃喟然歎曰寇深若此奈

吾老病何竟以三月朔日卒年六十有二公九歲喪母翁太宜人  
哀毀如成人事大母沈太宜人暨繼母朱方兩太宜人皆能得歡  
心第三仲精有足疾不良於行叔柄當贈公棄養時甫三歲季權  
尙在襁褓越五載方太宜人又逝世公倍愛憐之教養周至公繼  
贈公總家政仰事俯畜盡瘁三十餘年家日隆隆起而望子弟輩  
成名尤殷至同治乙丑補行辛酉壬戌科鄉試權登賢書惜公不  
及見矣公由庠貢生捐布政使司理問銜隨帶加二級會稽縣學  
訓導以長子傳箴官恭遇 覃恩以次子傳箕傳箋傳策職銜累  
封奉政大夫復以孫蘅芳同知銜加一級 晉贈朝議大夫傳箴  
爲余門下士以增貢生爲富陽縣學訓導恂恂嫻雅能嗣守家學

云 次子諱傳箕字子良幼聰雋有雛鳳之目比長習錢業甬江  
精會計爲同輩所推許子良席先人舊業而性頗好施初稻香公  
欲施樁木以給族之貧不能殮者以司事無人遷延者久之子良  
時厖諸懷一日遇族姪名芳瀾者與之言芳瀾願以此事自効子  
良大喜卽遵先命出洋蚨五十圓付之使置棺十具芳瀾亦稟於  
其父篆塏篆塏意甚愜隨出洋蚨命子置棺如其數更糾合諸族  
人共立一會名之曰敦族嗣後每出棺一具各輸錢二百歸諸會  
輒續置一棺以爲常所費甚廉而棺不告匱由是族之窶人得免  
暴骸之慮焉子良在甬江時有貧民鬻婦於青樓以償逋負者子  
良偶過其地見婦質甚幽秀殊不類平康里中人詢得其情卽呼



婦夫至問所負幾何答言百數十金子良歸肆卽謀諸同業者各  
出數十金如數畀之俾贖婦以歸卒爲夫婦如初其生平善舉大  
率類此時在知福建歸化南平縣事改官教授生子五君其仲也  
同治丁卯年吳讀善善解悟及長從劉星若王朱昌蘭拜撰

制舉業道光甲申受知學使杜石樵先生補郡弟子員時南平公  
方司鑾幕未對隨侍在所與承中萬杏江何仙舟朱益等相前後  
杜有出姚子白諸名士交相砥礪文譽驟甚每歲科臨應學使者  
試輒列高等歲辛卯食饌焉然鄉闈十餘試屢薦不售竟困於場  
屋者三十年咸豐辛亥乃重入成均而君年已五十有二矣爲人  
性剛直有氣節遇事果於爲而尤爲於孝友其居南平公喪哀毀

云 次子 傳 真 字 子 良 幼 聰 穎 有 離 鳳 之 日 比 長 習 武 藝 精 會 計 為 同 鄉 所 推 許 子 良 痛 先 人 舊 業 而 性 頗 好 施 初 為 鄉 欲 施 銀 米 以 給 病 之 貧 不 能 病 者 以 司 事 無 人 選 延 者 久 之 子 良 時 慮 諸 債 一 日 到 旋 煙 名 芳 漢 者 與 之 言 芳 漢 願 以 此 事 付 幼 子 良 大 拜 即 遣 先 命 出 洋 賦 五 十 兩 付 之 使 隨 棺 十 具 分 送 亦 與 其 父 黎 慶 慶 慶 意 甚 愜 隨 出 洋 賦 命 子 良 棺 如 其 數 更 與 諸 債 同 歸 工 限 年 名 之 曰 款 族 嗣 後 每 出 棺 一 具 各 給 其 蘭 蕪 錢 兩 百 兩 寧 謙 出 朝 出 以 為 膏 所 費 甚 廉 而 棺 不 告 歸 由 是 族 之 窮 人 皆 免 掛 號 才 金 賦 類 異 衣 粉 靚 徹 以 禮 奉 為 夫 敬 賦 轉 其 志 平 得 寧 夫 誠 夫 至 問 祖 貧 幾 而 答 言 百 兩 十 金 子 良 親 親 鳴 謝 謝 同 業 皆 各

清例授修職郎候選訓導歲貢生小谷公家傳  
君諱德容字景婁號小谷姓鄭氏世爲鎮海靈緒鄉人考諱謙嘉  
慶丁丑進士知福建歸化南平縣事改官教授生子五君其仲也  
自幼天姿穎異讀書善解悟及長從劉星若王芋畱兩先生遊工  
制舉業道光甲申受知學使杜石樵先生補郡弟子員時南平公  
方司鐸嘉禾君隨侍任所與禾中萬杏江何仙舟朱盤谷褚笛梅  
杜有山姚子白諸名士交相砥礪文譽噪甚每歲科歸應學使者  
試輒列高等歲辛卯食餼焉然鄉闈十餘試屢薦不售竟困於場  
屋者三十年咸豐辛亥乃貢入成均而君年已五十有一矣爲人  
性剛直有膽略遇事果於爲而尤篤於孝友其居南平公喪哀毀

踰禮廬墓側者五旬有餘日受暑溼至成疾不顧也以戚友勸之  
力始歸家調治弟德元蚤亡寡婦孤兒南平公尤憐之迨其後析  
箸君心南平公之心房宇田產均讓肥取瘠有古薛包風君隨侍  
南平公歸家居設教四方來學者戶外屢常滿口講指畫一皆出  
以真誠往往有境窘而志篤者非特不吝教即束修之薄亦有所  
不受聞有善逢人說項嘖嘖稱道之不衰其引進後學之心又如  
此咸豐癸丑春粵匪陷金陵其秋會匪又陷滬城時人心洶洶土  
匪乘機肆劫掠君倡議糾衆集貲募勇爲鄉團有貧而無以爲食  
者賑贍之人心始安里黨賴保全焉庚申冬與其族竹溪觀察謀  
修家乘已草創之矣以粵匪入縣境中輟及匪敗退而觀察遽焉



殂謝君旋亦賁志歿焉惜哉今傳瀾繼志述事家乘行見告成則君亦可以謂有子矣始予徙歸祖籍時鄉之人多稱君爲有幹濟才而間有不滿意於君者心竊疑之及交君而傳瀾旋又從予遊然後知君生平排難解紛於強者多抑之於弱者多扶之焉夫欲有所扶不得不有所抑而君之所抑者適皆出於強有力之人如是而欲求無間言於世難矣孔子以衆好衆惡爲必察誠哉其必察也皆在

光緒七年歲次辛巳十月旣望

鄉晚弟楊鴻元拜撰



清誥贈朝議大夫月如公傳

族姪 傳蘅 漁田

公諱精譜諱德星字月如號鐵仙姓鄭氏誥贈奉直大夫諱薰公仲子也性質實悃悃無華蚤歲失恃每遇母諱辰輒嗚咽不自勝事父承顏順旨未嘗少有拂忤父歿哀毀踰常事兄稻香公一如事父雖燕笑時見之必起立致敬循隨行隅坐諸節待叔季怡怡友愛終其身無間公自少嬰足疾不良於行以故常家居佐兄理家政生平持己以謙待物以厚談笑間藹然可親語及積善培德尤娓娓忘倦自奉甚約蕭然若寒素至恤困憐貧則解囊不吝里黨中無告窮民賴其周濟者不可僂指計年至三十餘時膝下尙虛乃置籩室生丈夫子二皆英英俊爽克守先志長君習儒業遊

庠後貢入成均今日孫枝蔚茁森列滿階人僉謂公樂善好施之  
報云時官海內其間嘗不可數計惟年三十餘始歸不向

光緒七年歲次辛巳十月既望

家如生平對日以蕭特妙以列類矣聞諸然可勝霜又蘇善說  
文與孫其長孫間公自也嬰其幾不頁欲以以姑常來其於足  
專父繼燕笑雜具文必賦立姪導節讀計剛坐需論特殊學計  
專父氣賦賦自未有少育軒神父毀夏嬰創常事足誦香公一  
軒于世封寶寶師無華道繼夫神法戲拊霜氣神即不自  
及籍錄籍籍籍是宰民賦題繼此致擬丑節似率直大夫結黨  
節請願賜給大夫良賦公謝

蘇致神詩



清廩膳生蓉卿先生傳

王人鑑

蓉垞

先生姓鄭氏諱德峻字希唐號蓉卿南平縣知縣改嘉興府學教授嘉慶丁丑科進士諱謙公季子也幼聰穎進士公授以四子書輒能通大義比成童涉獵經史工制藝道光癸巳赴縣試邑宰李公賞其文特置前茅旋受知督學李北溟先生入邑庠癸卯科試復爲羅蘿村先生所識拔列高等補廩膳生與仲兄小谷先生齊名當時稱大小宋焉先生質性英爽事親無矯飾能得堂上歡兄四人年皆遠長先生先生事之不拘拘形跡而一出以至誠平居丰稜嶽嶽議論間時露圭角不肯輕下人顧好引掖後進里黨中稍能屬文者輒獎借不去口常語人曰子弟有中人資便當課以

讀書蓋其性無他好若此屢赴省闈輒報罷乙未鄉試膺李筠舫先生房薦幾售旋以額溢見遺至咸豐辛亥恩科先生又欲偕仲兄應試戒行有日而先生倏病越數日不瘳先生以塲期已迫強起作小愈狀促兄先往猶以俟全愈第當兼程赴省爲言兄去後病日劇先生自知不起戒家人勿使兄知因處分家事井井有條且囑以三子質雖尋常然可造皆當造之以承先業此吾生平志也言訖而逝年三十有九先生文思敏妙時墨具先正體裁精楷法尤工詩賦遺稿頗多惜爲戚友傳鈔散佚殆盡今僅存鏡蓉館詩鈔一卷藏於家先生季子傳渠與兄子傳瀾將梓以行世庶吉光片羽爲彌足珍云時

光緒七年歲次辛巳十月既望

王人鑑敬識

族先諱傳銘字爾靈別字維棠族伯國學生惇厚公諱傳其子  
受業師也天資英敏東髮時受書輒如夙習比長負才卓犖  
耽研經史旁涉莊列騷選及雜家百氏以至唐宋元明人語詩  
其能探賸其源流為人口吃善屬文尤工古今體詩及詞賦雜著  
終歲揮管吟哦得句輒肩飛色舞曼聲循誦自得也積久得詩數  
千首嘗自刪其稱羨之至再餘作亦不自收拾故伏始盡今僅存  
奇夢廬詩集二卷滿族在腹家兄少年贈避屢不得志於有司  
既壯始受知補尊李筠舫先生廡試列前茅旋以詩賦疊受學官  
...

尚者鄧邨毛宗普  
卷首蓉卿先生傳  
十七房  
二  
直德堂





清增廣生礪堂鳳書二兄合傳

族弟傳瀾 蘭吟

族兄諱傳銛字礪堂別字籬棠族伯國學生惇五公諱德邁長子

瀾

受業師也天資英敏束髮時受書輒如夙習比長負才卓犖益

耽研經史旁涉莊列騷選及雜家百氏以至唐宋元明人諸詩集  
皆能探討其源流爲人口吃善屬文尤工古今體詩及詞賦雜著  
終歲握管吟哦得句輒眉飛色舞曼聲循誦自得也積久得詩數  
千首嘗自刪其稿焚之至再餘作亦不自收拾散佚殆盡今僅存  
寄夢廬詩草二卷藏族姪煦堂家兄少年蹭蹬屢不得志於有司  
旣壯始受知郡尊李筠舫先生府試列前茅旋以詩賦疊受學憲  
羅蘿村先生知入邑庠冠軍後應歲科試復爲學憲吳姓舫先生

張又貞公所識拔補增廣生員顧竟以數奇省試幾十赴卒不售  
兄內行綦篤而尤加意於譜牒凡我十七房東滄公下裔系比戶  
訪查隨訪隨錄深慨修譜之難嘗以有志者苦無力有力者苦無  
志爲言咸豐己未秋邁疾乃以手錄譜稿付族兄鳳書賫志而卒  
年四十有五鳳書諱傳詔小字蘭芬從伯國學生聖謨公諱德嘉  
長子余之三從兄也少礪堂兄六歲少聰穎讀書數過輒成誦比  
成童工四子書文兼能詩聖謨公頗以遠到期之而兄於年三十  
七始遊庠年四十五始考列高等補邑增廣生屢戰棘闈迄不獲  
登一第卒困於諸生潦倒坎壈以終其生平遭際之艱窘大略與  
礪堂兄相似聞者旣爲礪堂兄惜亦無不爲兄惜焉先是兄嘗有

志於修譜及得礪堂兄譜稿志益奮顧慮躬課徒未暇乃以蚤朝  
晏暮爲率日乘間訪問父老歸卽向譜稿校勘增訂別錄爲冊久  
之成帙十餘寸蓋較礪堂兄譜稿爲已詳而猶未盡完備也歲辛  
酉先君子創議修譜以東滄下五房及塘路沿西房海甸開口房  
三處付兄而以其餘處暨遷居舟岱山等處命余從事兄與余廣  
搜博采勞勩踰年稿譜幾大備旋以先君子棄世而譜事遂寢後  
兄見余屢以勉承先志相敦勗余苦無貲未果今年夏族人同志  
者各輸貲爲繕印費其事始集獨惜兄於去年秋已歸道山矣余  
以兄與礪堂兄俱以修譜爲志又俱不及見譜之成而歿恐其遂  
湮沒不彰也爰謹述原委并及其生平梗槩以合爲之傳俾後之

人知譜所由成二兄實與有始基之力焉吾知二兄雖抱才不偶  
未獲成名於生前而即此譜之得成於身後九原之下當必有其  
相告語而欣慰無已也乎時

光緒七年歲次辛巳十月既望

族弟傳瀾敬誌  
三烈於民而利其...  
文規想十餘...  
曼暮氣寧日乘...



清誥授資政大夫鄭君竹溪傳

劉

鵬

翥軒

君姓鄭氏諱勳原諱士景字南琴竹溪其號也世爲鎮海靈緒鄉人曾祖維嘉祖學泗俱國子監生父錦章國學生布政司經歷銜後俱以君貴累贈至資政大夫兄弟五人君行四從行六自幼厚重不好弄父鍾愛之嘗曰此子器識過人後當恢我先緒乃命棄儒業賈以甬江舊所設錢肆任之君每事必咨稟而行籌算屢中屢獲倍息家日隆隆起後生計益饒乃遣弟漁村君至越郡至滬上別營居積而已則仍居甬江以綜其綱益獲利無算甬江同業者皆倚君爲重由是聲望震一郡自當道羣公薦紳鄉彥下至牙儉雜流及泰西各國諸彝商無不信服仰賴君者至有以君之進

退卜闔闈之興衰蓋屹然爲甬江之砥柱者二十年君篤於內行然屢遭人倫之戚自蚤歲喪其伯兄越凡君後中年疊丁外內艱喪兄者二喪弟者一喪嫂者二喪妻者三喪弟妻者二喪子者二喪兄子者一哀號悲慟歲營殯葬無日不見其面有淚痕以兄子無嗣并無女憫其婦特甚爲別建三楹於宅傍俾誦經其中以安適之君父母俱以高年終卒之日君自憾醫禱罔效哭盡哀居喪盡禮旣殯卽力求葬地雖數十百里外山川險阻必躬自涉歷往還審視不憚勞後得地於慈東孫陳陸家莊營葬畢曰吾今始得安寢矣又念其叔母張周兩太淑人俱青年矢柏舟志以雙節著稱君爲請於有司具題旌表卒奉俞旨得建坊墓門焉漁村

君在滬時嘗有疾書至君閱之手顫躬幾踣急以重金僱夷舶往迎之越日天未曙即詣江北岸候舶舶至君入視見弟仰臥不能起顧問答猶如常君心爲稍帖即以肩輿載弟徒步送歸謂諸子曰汝叔當無他慮吾觀其目光炯炯神清而氣不促疾尙可爲也乃日爲延醫調治躬視湯藥至愈而後已泊漁村君卒君自傷屢踣形神日悴終其身泣念不置君從兄曦洲君與其叔兄出後季父之眉軒君卒後遺孤俱幼君延師課讀與諸子同塾無異視甬江越城滬上諸業皆共之歲計贏餘以分贍其家且爲之經理大小家政無纖毫自肥者先是君父嘗欲葺宗祠并設義莊以卹近支之孤寡困乏者有志未果父歿後君爲建寶田莊置田百餘畝

自新外傳  
名  
歲取息以爲周給資繼乃鳩工庀材從事宗祠牆屋頽圯者改築  
之榱桷朽壞者更新之工未竣會粵匪竄擾中止肅清後重復修  
葺所費幾倍君毅然蕝事以成先志君旣饒於貲性故慷慨益好  
義樂施與吾浙自粵擾以來軍需屢告急君每聞諭捐詔下輒首  
納巨欸爲郡邑倡咸豐癸丑滬城會匪之變瀕海不靖吾鄉羣不  
逞之徒乘機肆劫君首與族人議立鄉團募其人厚給之里中始  
安堵庚申辛酉粵匪兩陷浙垣吾郡人心洶洶將爲變君首詣大  
吏集鄞慈鎮三邑殷紳各出鉅貲立保衛局以護守郡城君嘗憫  
窮嫠苦節貧而老死無爲之請旌者又嘗憫道傍遺骸暴露纍纍  
乃首出田百十畝與翁藜生先生輩創立文仁局擇謹練者司其



事歲行之無倦洎君與翁君俱卒事中廢今有起而仍之者爲改建廣仁堂卽君之遺規也郡城體仁局爲捨棺施藥而設君輸千金以襄助之滬上及吾浙省垣俱立有四明義園以僑厝客死者君亦各輸四五千金焉宗黨戚友以緩急告輒慨應或需千萬緡亦不吝無償置不較他若恤嫠賑饑修橋梁平道路施寒衣藥物諸善舉尤不勝屈指計云君以猗陶業大其家顧性喜讀書好與名人學士遊其文行兼者益敬禮不衰如鄞邑陳詠橋張鏡初鄭薇臣徐柳泉子舟諸先生皆君所最稱莫逆者余不才君嘗延爲其家塾師凡十餘年諸子芳基芳圭先後俱遊庠芳圭質尤敏君命之入都因爲捐部郎中職以期進取嘗移居郡城未幾復還舊

居治第闢培園以寓意會粵寇警挈家避滬上踰年歸歸數月竟  
以疾卒嗚呼世之豪門巨族以貲財雄鄉里者吾見亦夥矣乃夷  
考其行類皆侈於自奉薄倫紀忘名義至或谿刻纖嗇視一錢如  
車輪大任呼號乞救者於其旁而曾不一顧以君視之直奴隸不  
若耳余辱承君愛久知君最悉惜君謝世後家業驟落諸子凋喪  
略盡培園亦荒蕪不治余追述君生平忽不自覺其涕之何從也

時在  
光緒七年歲次辛巳十月既望  
劉鵬拜撰

清胡孺人傳

君位公繼配

十五世孫

傳詔

鳳書

八世祖妣胡孺人君位公之繼配也夙嫻姆教及笄後歸君位公爲繼室事舅鳳臺公姑倪孺人和甘調滑奉養愉愉能得堂上歡撫前室子元登公慈而有法鞠育飲食與所出無少異而於課讀則未嘗稍事姑息元登公後入邑庠半由母教焉佐君位公持內政尤沉敏有智略君位公故慷慨好義凡有所爲孺人無不贊成之君位公嘗歎曰卿真吾閨中益友也皇朝順治初年明監國魯王遁入舟山吾邑新附瀕海寇盜充斥時登岸入村落恣行劫掠殺人如麻是時孺人生有三子長元璐公次元達公俱幼而季子元士公尙在襁褓中一日里中譁傳盜至鄰人皆驚竄孺人亟

呼君位公扶邁姑挈諸兒俾先行以避己乃獨抱幼子伏路旁叢  
葦中俄而盜衆過之一盜忽睨視疑其中有匿者遽以戈拗入適  
中元士公肩衣穿肌裂血濡縷漬刃孺人急攀圍欄拭其刃隨拭  
而盜戈隨出視其刃無血痕以爲無人焉遂去及盜去遠而元士  
公始大啼孺人乃以衣幅裹創徐徐襁負而歸後家人暨鄰里復  
聚孺人爲述其事莫不咋舌駭異焉今距孺人之世已二百餘年  
我元士公後裔實繁且盛鄉之父老猶嘖嘖道其事不衰咸謂使  
當日蘆中一啼則母子卽攫盜刃又使孺人不拭刃血以滅跡則  
爲盜所覺而亦終歸於斃而顧受創不啼孺人且能倉卒應變若  
此蓋元士公克昌厥後冥冥中實有陰爲呵護者而亦見孺人之



臨危不驚智慮絕人爲非尋常巾幗所可幾及也爰謹述所聞勒諸家乘俾我後人知先世之罹凶鋒而得邀天佑者正非偶然并以備蒐訪遺佚者有所採擇焉

十五世孫傳詔敬誌

時君位分極尊始學諸君備先君以爲己乃謂雖有  
其申其圖謀衆過之一蓋怨之誠疑其中有時皆道以  
申元士公肩在野則得虛稱遠近亦稱人急事聞則  
而遊戈隨出兩其刃無血痕以爲無人焉遂去及盜  
去始大啼稱人乃以衣期長測徐徐稱負而歸後案  
人復歸其刃爲通其刃莫不昨舌厥異而今雖稱人  
我元士公後所寶藏且爲將之父老猶吐此語其  
以勸其情誠對壽春視料料器乃又使諸人不拭刃  
以滅跡則  
情案乘射終餘火映於廿五縣凶殺而警憲天崩  
雷雷樂斷於我  
謝亦不覺昏亂餘人爲非尋常巾動視而變又出  
送送並送開傳

清貽贈安人沈太安人傳

余潮 笛村

自古稱閭閻者曰德曰才曰節其大較也顧才必遭貧乏艱窘之境而始彰節必少喪所天茹荼蓼勵松筠而後其節始顯若席豐履厚安常處順則無才節之可見而所可見者獨有德耳余嘗持此以求諸巾幗中蓋千百不獲一二矣今乃於鄭母沈太安人而得之太安人沈公介侯女少嫻姆教及笄歸太學生 貽贈儒林郎爾康鄭公諱維甯爲室儒林家素封井白紡績諸務無煩太安人躬爲太安人惟日司中饋調甘旨潔滌灑以奉舅姑每食必侍每晨昏必定省雖嚴寒盛暑無間儒林有兄二人太安人事之如儒林之事兄事二姒輒以娣自下有操作必奮袂而前無少退諉

待諸從子如己子自出入顧復以至飲食教誨無異視御臧獲婢媪輩不涉一諧謔語顧詞色溫婉時或慰勞其勤苦焉儒林嘗家居太安人與相處宛若賓友閨中不聞嘻笑聲亦不聞詬誶聲終其身眉案相莊雖梁孟不啻也太安人生子一女六皆課以女紅暇則授以女誡閨門訓諸編遣嫁日奩贈悉中禮無侈費而其愛子也恆過於愛女然不事姑息每以敦行守先緒爲勗嘗曰持身宜樸也毋華處世宜謙也毋驕待人宜厚也毋刻保家之道不外乎此自奉甚約布衣蔬食安之若素而好施與不倦年屆耄齡及見孫四人曾孫五人每遇覽揆辰家人欲稱觴祝嘏太安人謂之曰汝等以張筵宴賓朋壽我曷若省此費以周饗殮不繼者爲實



有裨益乎家人如其言以爲常里人有鬻田於其家者既定值成券矣太安人知之輒陰遣人益以多金曰吾恐其得不償失也其好行其德類如此夫以太安人一生所處之境所謂席豐履厚安常處順者已極其盛矣宜若無可表見者而乃於舅姑則盡孝於伯仲及姒則盡禮於夫則盡敬於諸子則盡誠於子女則慈而有教於僕婦下人則和而有體於里黨貧困者則矜憐惻怛而有惠雖在太安人率性而行不過爲其所當爲初非有矜奇立異之見而見其爲者要無不嘖嘖稱道謂此實巾幗中所罕見於以見太安人能自見於無可表見之地固不必如備嘗艱苦者之以才見以節見也於虛謂非優於德者歟



清欽旌節孝余孺人傳

姪孫傳蘅

漁田

孺人姓余氏叔祖令伸公之室也性婉淑夙嫻姆教爲父母所鍾愛以家貧未及笄卽來嬪於鄭事舅維學公姑戴孺人循婦職惟謹宗黨皆稱其賢越數年舅卒踰年夫亦卒無子孺人時年二十有六號慟幾絕誓以身殉姑泣謂之曰汝來吾家近十年矣吾年踰七旬雖有汝娣顧朝夕奉侍惟汝爲適吾意今不幸而汝寡且乏嗣是固吾家門祚之薄累汝至此也雖然汝夫弟已有子汝其爲吾留侍以終吾餘年汝且撫夫弟嗣以延汝夫祀汝安可遽死孺人乃泣而受命由是日勤紡績佐夫弟以供子職又數年夫弟舉次男而夫弟又卒娣不安於室他適去二孤長者甫九歲少者

尚未周晬孺人更併力仔肩代任母職當是時雖鬚眉男子亦且  
彷徨卻顧慮拮据無所藉手而孺人以一熒熒嫠婦上供菽水之  
養下殫鞠育之勞仰事俯畜不辭艱苦洊歷十餘年姑得以天年  
終二孤亦藉完覆巢之卵焉既復爲舅姑營窀穸並爲二孤次第  
聘娶迄於成立遂以長者嗣夫後少者承夫弟祀而孺人亦已老  
矣年七十有一以疾卒嗚呼若孺人者於舅姑則孝於夫則節於  
夫弟則忠於夫弟之二孤則慈一身而兼備數德雖其天資之懿  
美使然然非矢志之堅貞操行之純篤亦烏能若此彼改絃而輒  
彈別調者是誠何心哉是誠何心哉時  
光緒七年歲次辛巳十月既望

姪孫傳蘅敬誌



清欽旌節孝鄭母陳孺人傳  
劉 鷓鴣軒

孺人姓陳氏同邑靈緒鄉陳公諱某之女而鄭公諱維清之子婦  
諱學炳之妻也幼嫻姆教性貞慧尤能知大義年甫笄歸學炳爲  
室事舅姑恪循婦職靡不周至凡有所事稟而行悉就理姑徐孺  
人喜曰吾得賢婦矣遂以內政委之踰年徐孺人卒又踰年學炳  
亦卒無子是時孺人年纔二十有二而維清公年已近艾旣痛妻  
兒之亡又自嘆其髮之種種也無復有續膠意孺人於號慟之餘  
含悲涕泣請於維清公曰炳兒不孝未能育子遽棄舅而逝無後  
之辜雖死奚追今幸舅健在天其或者不絕我先人之祀盍再娶  
以延宗祧乎言已泣不止公重躡其意乃爲之娶費孺人踰數年

費孺人無出又卒孺人又泣請如前公又爲娶劉孺人踰數年劉孺人又無出又卒是時公年已周甲矣孺人又泣請如前公亦垂涕謂曰若苦矣若之心力亦已竭矣雖然屢謀不遂天也非人也若苦矣若無煩更爲我宗祧計矣孺人則又泣請不已語益悲兩目盡腫公不得已乃更爲娶外室踰年生一男又踰年又生一男孺人乃喜甚卽俱收而撫字之飲食教誨以至成立復爲之次第聘娶長者生男一少者生男三孺人皆視若己子而以少者之長子爲夫後焉維清公自喪學炳後枯楊就衰自分不作生穉想乃以孺人之屢請屢譜雉朝飛之操卒以桑榆之暮齒蘭蕙瓜瓞重生迭挺壽踰大耋熙熙然含飴頡點復得以抱子弄孫之娛終其

身者非孺人之力不及此維清公卒後十餘年孺人亦卒年八十有三蓋其嗣子年踰冠已娶婦數載云嗚呼孺人於舅則孝於夫則節於二叔則以嫂爲母於諸子則又以伯母爲母而於其先人則實爲興滅繼絕之功臣使其生爲男子則夏少康之臣靡晉趙氏之程嬰以及漢之朱虛博陸侯諸公凡忠臣義士之謀其君國挽隆緒於旣湮而使宗社之復延一綫者孺人皆不難勉爲之而顧使爲女子身又使之少而嫠嫠且乏嗣天何厄孺人之甚然天雖厄之而孺人卒以人定勝天則以見巾幗中亦能爲忠臣義士之所爲而非僅如熒熒守節者之終爲天所厄也嗚呼可不謂賢歟皆在

光緒七年歲次辛巳十月既望

劉鵬拜撰

一、...  
 二、...  
 三、...  
 四、...  
 五、...  
 六、...  
 七、...  
 八、...  
 九、...  
 十、...  
 十一、...  
 十二、...  
 十三、...  
 十四、...  
 十五、...  
 十六、...  
 十七、...  
 十八、...  
 十九、...  
 二十、...



清欽旌節孝劉孺人戴孺人姑婦雙節傳

劉

鵬翥軒

孺人姓劉氏年及笄歸翁生鄭公開侯爲室越五年開侯公卒遺一女無子孺人以舅姑在堂勉事節哀乃撫夫弟開芳公長子秉然爲嗣秉然生僅月餘孺人恩勤閔鬻愛憐倍至事舅天治公姑陳孺人恪循婦道凡有操作不以已爲未亡人委諸二娣尤未嘗以悲戚之容見於眉睫天治公抱風疾十餘年凡飲食羹餌皆手自調劑以進無不曲諳其性陳孺人年踰大耋孺人事之亦深得歡心以是終二老之身若並忘其爲嫠居也者孺人秉性慈婉視諸從子女一如子女待傭媪輩無盡言厲色與宗黨鄰婦接謙柔善下其貧乏者尤加意矜恤之平居不佞佛惟日以女紅自課雖

年至八旬餘猶紡績不輟諸子婦咸各勤厥職不染富家閭佚習  
氣者實孺人有以表率之也孺人旣撫秉然爲嗣秉然秉母教讀  
書能文章踰冠娶妻戴孺人生一子有倫方周歲而秉然又卒戴  
孺人時年二十三號慟不已旣而恐傷姑心又痛夫之賫志以歿  
而呱呱者之待鞠育也乃壹意撫孤爲請於開芳公歲延師課讀  
每夕必詢日間所受業勤則善否則呵譴加之繼之以泣未嘗稍  
事姑息諄諄以勉繼父業爲勗洎有倫入邑庠孺人悲喜交集謂  
有倫曰汝倖得列名黌序差足少慰汝父惜汝父不及見矣其事  
姑劉孺人也晨昏色養依依如母女暇則侍姑側談孤兒學業以  
博姑歡劉孺人春秋高命孺人持內政每事必咨稟而後行率家

人操作以身相先事事井然就理至今年近七旬精力猶未嘗少  
懈或有以稍事暇逸勸之者孺人則謝曰吾家世勤儉無論闔內  
外無詒先人罹吾所爲如此者恐負吾姑教也由是里黨中莫不  
嘖嘖嘆孺人之節而賢如其姑以同治丁卯年與劉孺人同請  
旌於朝人咸稱鄭門姑婦雙節云有倫庠名峻後更名景年恂恂  
篤謹爲余門下士今年秋余纂鄭氏宗譜有倫爲述兩孺人事於  
余余亟取而詮次之俾勒諸家乘以示其後人之無忘懿範焉時  
光緒七年歲次辛巳十月旣望

劉 鵬拜撰

武諫小半欽矣辛日十日鴻望

余余運軍而進大之翰陣前乘風以承其外人之無忘繼踵焉

萬難益能門不仕今半姓余疑腰內宗請首命氣越而無人事

致效時人無難瀾門故備雙雀云節命半劍劍雙公景華前

期謝刻無人之簡而獲吸其故以何節下恩半與臨歸人同

後雖結余大器吾河欲破出資察負資故然出由長里黨中莫不

擲更存以保集即後儲之春觀人相備自吾邊知曉劍無備關

人請世以是保其意者非然歸野至合事沒出區無內餘未嘗也



清欽旌節孝張宜人周淑人娣姒雙節傳

劉

鵬翥軒

吾邑澥浦鄭氏有以娣姒雙節稱者姒爲巽山公配張宜人娣爲巨山公配周淑人宜人于歸時年纔十六踰數年而淑人亦來嬪於鄭時君舅姑俱在堂公兄浦山公伯姒孔太夫人持內外政宜人與淑人格循婦職事二老盡歡以友于各勉夫子而已則從伯姒後勤事操作築里閭絕無閒言宗黨莫不賢之無何君舅歿巽山巨山二公相繼卒巽山公遺孤二巨山公孤蚤殤無子宜人淑人恐傷邁姑心時背而飲泣侍姑側承顏博歡陽陽如平常未嘗以悲戚見於面姑由是若忘喪子之慟以高年終巽山公旣遺二孤長曰士且次曰士晁宜人壹意撫之慈而有教不事姑息諄諄

以敬承伯命爲勗至士且士晁先後又卒而士且亦遺二孤宜人  
命以幼者嗣士晁誨育周至一如撫孤時蓋其子若孫俱恂恂長  
厚無僂薄習氣者皆宜人教也淑人並稱未亡人而痛巨山公  
之無子也爲請於浦山公以其三子士杲爲嗣恩勤閔鬻無異己  
出泊士杲成立受室生子淑人乃時時弄孫以自娛嘗謂宜人曰  
吾兩人俱早失所天今各有子有孫而衣食裕如俯仰可無慮者  
皆惟伯氏是賴吾等不可以少有拂戾厯伯氏憂以故同居數十  
年事無鉅細悉受裁度至食指甚繁始析爨旣析爨而猶若同居  
雍雍輯睦無不以浦山公之言是從者宜人性柔惠好施與凡諸  
義舉無少吝淑人晚櫻目疾長齋繡佛足不出庭戶然常以周貧

乏爲念尤加意於恤嫠拯嬰諸務雖行路亦均感誦焉宜人以姪  
士暹議叙得貤封道光庚戌五月卒年七十淑人以孫芳壙議叙  
受封同治甲子八月卒年七十九歲咸豐癸丑有司並上其事請  
旌於朝奉 俞旨建雙節坊今巋然屹立櫟山南阡墓門云卒  
光緒七年歲次辛巳十月旣望 劉外鵬拜撰

以徽承伯命爲最至士且士是先後又卒而士以亦  
命以勸者國士苑海育周至一如撫孤時蓋其子若孫俱極長  
厚無復習氣者皆宜人之教也淑人並稱來它人而痛巨山  
之無子也爲請於浦山公以其三子士某爲嗣願新閱爲無異已  
出府士果成立受室生子淑人乃時時弄孫以自娛嘗謂宜人已  
武辭止爭歲交卒日十且猶筆在孫而衣食務儉備訓拜繼康者  
皆越城博泰廟命旨數變敵敵舍龜然湖宜隸街南制寓門衣十  
受桂同命用平八民卒爭出亦武歲歲豐樂在在匪徒其專備  
由豐滿除豈蠟桂嶺汝夷刃正民卒爭出亦武歲歲豐樂在在匪  
去歲愈天賦意氣血發海聖精益細存滋衣以風雨露宜人則致



清欽旌貞節戴孺人傳

朱貽楹 子讀

孺人姓戴氏鎮海靈緒鄉戴村諱某公之女母某氏生而婉淑性貞一少受同里鄭氏聘以家貧年十三童養於鄭事舅姑恪循婦職夫玉珍公夙嬰疾病踰數年婚有日矣甫及期而玉珍公遽卒孺人時年纔十七舅姑先二年俱卒家徒壁立身外無長物孺人擗踊號慟欲以身殉父母勸諭而止乃勉事節哀爲夫營殯殮居無何父母憐其年少無依且尙未成婚以改絃之計諷之孺人驚泣而對曰兒受父母命爲鄭氏婦有年矣今不幸未成婚而寡固居然鄭氏婦也古有受聘未嬪夫死而守貞者况兒早適鄭門得事舅姑居鄭之室食鄭之粟夫病兒爲奉湯藥夫歿兒爲服斬衰

夫婦之名確然已定此亦安得以未成婚爲辭哉兒但知生爲鄭氏婦死爲鄭氏鬼而已不知其他也雖困苦亦所甘心焉願父母勿爲兒過慮則憐免者更大矣父母見其矢志不移乃不復言孺人由是含辛茹苦足不出庭戶惟日勤女紅以自給遇先人生諱日祭祀必誠敬無少懈里黨聞之者咸重其人爲各輸貲以佽助之孺人遂以佽助之貲爲舅姑營窀穸並夫墓亦得安葬焉年至七十八而卒守節六十有二年同治丙寅學憲吳和甫侍郎爲具題請旌且書貞節額以表其廬云三

光緒七年歲次辛巳十月冬

姻愚姪朱貽楹敬識

清誥贈恭人陳太恭人傳

劉

鵬  
翥軒

太恭人姓陳氏鎮海西管鄉和鶴樓國學生諱采薇公女而靈緒鄉澥浦嘉慶丁丑科進士諱謙公次婦歲貢生小谷先生諱德容之室也采薇公性喜讀書歲延名師課諸子太恭人自幼卽飭聞庭訓日就諸兄問師所講授四子書及經史晚輒向母縷述之理解了然無疑母喜其敏慧嘗謂采薇公曰此女若作男子其所造當不亞諸兒也進士公聞其賢遣冰人聘爲先生婦旣及笄來嬪事舅姑先意承志起居飲食間雖纖悉靡不周至進士公由閩省南平令改禾郡教授太恭人隨先生侍養公以逋累左遷抑鬱不自得太恭人百方承歡每進古人樂天安命諸說以寬解往往轉

戚爲喜解組後公攫驚悸疾復曲意承順奉旨甘藥餌必手自調劑以進委婉陳說勸加餐迄公歿未嘗少懈侍姑疾亦如之里黨莫不歎爲賢先生攻苦力學太恭人每篝燈操女紅以佐誦讀至丙夜不輟先生遊郡庠食餼太恭人益以顯揚繼先業相勸勉至省試屢薦不售太恭人屢強爲譬慰退謂子女曰吾每於汝父報罷時心骨幾碎矣先生嘗欲承先志纂修宗譜命季子傳瀾旁採博訪稿本繕錄粗成帙以艱於貲未及校刊而卒太恭人卽以先生之志爲志時以譜事曷傳瀾且諭之曰汝父之不得竟其志以貲無所出也我歿後汝他日倘稍有贏餘必先置田三五畝葬汝父母於此卽以此作譜田備後日修譜資汝其毋忘乃父志後有



疾甚亟復備述前言諄屬再四言訖而逝年七十有四太恭人性  
勤儉蔬糲自甘寸縷尺布輒儲以待用持內政數十年一以身相  
率家無廢舉處娣姒雍容款洽視諸從子如己子御臧獲傭媪輩  
肅而有惠尤善訓子女其次女適慈北觀海衛王邦莖者甚賢淑  
事姑循婦職惟謹家庭輯睦無間言鄉之人皆嘖嘖稱道以爲得  
於母教云太恭人歿後季子傳瀾由國學生捐府同知晉運同銜  
加一級太恭人與先生並得贈如例時在

光緒七年歲次辛巳十月冬

劉鵬拜撰

武解少半盡矣辛巳十日參人每等所屬國江銀兩與  
 賦一賦太恭人與表主並釋銀賦因想立銀兩為先  
 節與澤云太恭人姦姦季子幹歸由國學主財賦因  
 漢故爵爵卿糾糾案案銀銀無問言漢之人皆勤勤  
 儉而由惠武德順下女其定之銀蘇此賜賜漢王  
 率來換銀舉銀銀銀容容銀銀銀銀銀銀銀銀銀銀  
 謹創蘇蘇自甘七數只亦疎餘以裕用銀銀銀銀銀  
 其甚近於前前前前前前前前前前前前前前前前

清誥封恭人鄭母戴太恭人傳

張壽榮

恭人戴氏歸鄭爲贈朝議凱臣先生室性淑婉嫺禮儀遇事練達有識一出以沈靜無少回皇朝議常服賈吳楚恭人米鹽凌雜里鄰酬酢處之有條事舅姑能得歡心舅姑歿盡哀盡禮娣姒間無違言有告匱者緩急必通以是鄉黨咸稱之朝議輟賈歸恭人黽勉同心相得益彰未幾所天失恃幸子已成立身能有爲家聲之振克濟厥美恭人亦藉以稍稍慰懷顧又中年凋殂遺僅弱女嗣世並艱嗚呼天何阨之甚耶恭人痛於所遇身世財物視若傳舍無足戀者既議立後復以朝議先德不容就湮思久遠詒之計未待會有族子星階蘭吟輩建議構宗祠後楹以助貲告恭人慨然

出三千金予之俾成其事並助田若干晦以供歲時禋祀吁難矣  
夫昔之所稱爲賢夫婦者莫著于雞鳴戒旦一詩琴瑟靜好歡言  
偕老至襍佩贈問情殷報德并其所以輔成君子者不忘矣昔之  
所稱爲能奉祭祀者莫著於采芣采蘋二詩一美其不失職一美  
其循法度而僮僮祁祁之敬事筐筥錡釜之服勤胥有可想見者  
然而所處皆順境也若夫起家艱難稍致康阜半生劬瘁宜若由  
以少安於暮年乃天降鞠凶一再未已悲憫之餘出其建樹大節  
卓卓度越尋常而愈顯夫賢明之聲奉祭祀之忱轉疑詩人所咏  
未爲甚難若恭人者詎不可以傳乎夫言各有當詩人所咏於其  
順予所述惟其逆抑懿行芳徽風化攸繫夫奚容沒而無聞哉



人子傳華同知銜得封贈如例子子婦恭人女孫也予知恭人審  
又胡能以無言

光緒七年歲次辛巳十月既望

姻晚生張壽榮拜撰



清欽旌節老胡孺人傳

賦懸致金十金士衍

允升

孺人姓胡氏慈谿東鄉田胡村諱某公之女而鎮海靈緒鄉鄭公諱德華之室也性貞淑夙嫻姆教年及笄來嬪於鄭事舅姑柔聲怡色婉婉聽從舅姑極愛憐之越三年德華公卒無子孺人痛徹心骨莫可言狀既思舅姑在堂哭死而哀無益於亡者適以足傷堂上心乃勉爲節哀順變循婦職以代子職凡溫清定省以及侍几杖奉盤匱諸節靡不周至雖退歸已室淚痕時沾衾枕間而在舅姑前要未嘗以悲戚之意形諸顏面以故事舅十餘年事姑三十餘年終舅姑之身若忘其爲無子之婦也者舅姑既歿事夫兄如舅事伯姒如姑家政無鉅細一稟命於夫兄有操作輒勤動而

前不以己爲未亡人而諉諸伯姒也性不佞佛而慈惠好施與里黨貧乏無依者踵門乞貸無不應有邀之受浮屠戒者孺人則謝曰修持在立行不在誦經禮懺今之僧尼徒借此以惑人凡爲婦女者豈可與近况吾輩嫠婦哉蓋孺人一生足跡未嘗一涉寺觀焉孺人痛夫乏嗣思有以延其祀乃請於夫兄以其次子傳溥爲夫後撫育之無異己出洎傳溥成立受室踰數年而孺人遘疾曰吾今日可以告亡人於地下矣含笑而逝年五十有九計守節三十七年同治四年宗黨以其狀聞有司爲具題與其姊傳孺人並請人旌於朝人咸稱一門雙節云時在

光緒七年歲次辛巳十月冬

姻愚姪金士衍敬識



清節孝孺人周孺人姑婦雙節傳

芳址

煦堂

孺人余氏年及笄歸族曾叔祖天安公爲室越數年生一子德品而天安公卒孺人時年三十二族叔祖德品僅四齡家無儋石儲惟日夜勤操作以鞠育孤兒洎德品既長爲聘周氏女婚娶僅月餘而德品又卒子嗣闕如旁從無可繼者周氏年甫十五辟踊號慟誓以身殉孺人含涕謂曰吾始喪汝舅時所以忍死撫兒者欲爲先人延一綫耳今若此天乎復何言汝之寡年倍少於吾其無可他望復倍痛於吾汝固雖生猶死然汝若竟死吾誠不難與汝俱死獨無如汝舅與汝夫遺棺暴露何哉乃收淚受教婉婉事姑由是姑婦兩嫠相依爲命氏故精習女紅壓線刺繡佐姑紡績綠

窗鍼縷寒暑不離十指糊口外歷儲餘貲兩世窳窳之謀卒以蔽  
事當氏嫠居時雖承孺人命勉事節哀而痛夫之亡又痛姑之苦  
節而仍乏嗣也時時背孺人飲泣孺人亦心知其隱痛之甚也時  
時慰勞之然氏竟以此悲鬱成疾卒越二年而孺人亦以此卒年  
五十有九氏年纔二十有五嗚呼兩世癸子形影相弔生則蓼荼  
共嚙白璧完貞死則蘋藻誰尸黃泉飲痛既無身後之嗣并乏菴  
功承祀之人天於節婦何報之顛倒酷虐若是孺人之稱未亡人  
於年例且不得請旌氏則如例尙待旌旌云時在  
光緒七年歲次辛巳十月既望天  
族姪孫芳址敬誌

清鄉飲賓玉卿鄭先生八旬壽序  
范從律

四明縹緲濱於渤海以蛟川而望三神山如在目前安期羨門之  
流咸棲神於斯由是真氣所滙結爲大年故隱德數有著聞今玉  
翁鄭先生以八旬稱壽矣懸弧之辰乃陽月旣望戚友以愛日之  
義預謀所以壽翁者其令長嗣百先恂恂下士遊於吾鄞而靜元  
楊君與僕相姻婭實友善焉時時過訪僕得識荆茲楊君謀述其  
所以壽者乃知翁之壽正惟以隱得之嘗視世之聲華利祿非不  
足以誇耀見聞暢適身意甚者耽逐沉酣往往以之斲本真戕性  
命譬猶冰雪之山凝桃李之葩豔雖能炫一時之目未幾而銷沉  
委謝烏覩所謂岡陵松柏且得山川日月之悠久乎惟翁資性淡



泊與世寡營治家不求封殖一意屏絕世氛怡神清靜蒔四時之  
花醉千日之酒偃仰今昔優游旦夕直千古一息已耳詎足撓其  
性靈而奪其天趣耶蓋翁之居大海環其東丹山枕其西遙峙蛟  
門而近矚伏龍望淇濤浩瀚有天空海濶之觀瞻翠黛霏微得羽  
化神遊之致夫寄情旣廣斯其引年也蓋長將執此以爲久視之  
道又何必崆峒之是問而松喬之是訪哉且其鴻案相莊幡然雙  
白三鳳齊飛日承歡於膝下而長君百先輩聲辟雍將來得祿而  
養可卜之指顧間也若乃繩祖武者則六翮凌風異日者受聖  
天子貶封之寵而光照林泉翁之第祿自今伊始耳於是知翁之  
稱希有者詎獨以年壽也耶僕憶庚申之歲其兄翰翁以八旬榮



壽而九沙萬君爲危詞以侑觴迄今十年而翁值之兄弟遐齡人所難遇翁之昆季若操券而得焉則期頤在望正未有艾况今皇風駘蕩天長日永張瓊筵招朱履羽觴星飛舞衣霞舉里閭之光榮人生之樂事其孰有於加此哉余方慕其人樂道其詳其得侑翁壽觴之曠否皆在

乾隆庚午陽月既望

年家眷弟范從律拜撰

世之所謂名者，皆由乎人。夫名者，實之賓也。實存則名隨之，實亡則名亦隨之。故君子必先慎乎實，而後慎乎名。夫名者，所以辨貴賤、別尊卑、明長幼、正夫婦、示勸懲、別是非者也。名之於人，猶水之於魚也。水涸則魚亡，名廢則人散。故君子必先慎乎名，而後慎乎實。夫名者，所以辨貴賤、別尊卑、明長幼、正夫婦、示勸懲、別是非者也。名之於人，猶水之於魚也。水涸則魚亡，名廢則人散。故君子必先慎乎名，而後慎乎實。

清覃恩上壽職員禹九鄭公傅太孺人八秩雙壽暨我賓先生六

旬壽序

李昌昱

蛟川余舊遊地也締交者夥矣求如鄭太翁之福壽康甯者不數  
數觀夙親丰采目炯炯如電固知翁之壽算無窮也客歲暨太君  
齊眉八秩嗣君我賓將效萊祝而太翁不悅今年九月十四日爲  
嗣君六旬弧旦同人欲晉一觴而嗣君亦不悅固請之曰補祝太  
翁雙壽并祝先生可乎嗣君始諾同人書至臨江徵言於予予雖  
愧不能文其曷敢辭太翁幼而岐嶷不屑兔園中物爲人樸誠長  
厚見世之谿刻者輒唾其面居家勤儉身親瑣屑並賴太君內助  
之力及嗣君來客甬江家益隆隆日起然性好施予比之傾身障

自序身... 卷之六  
近存室

簞者不同故梓里遠近咸沐其德太翁最著者尤在培植宗祠一事夫帶草家風其楹桷之輪奐久矣太翁從而勦之聖之并助以田春秋俎豆於茲弗替今喬梓名列成均孫曾繞膝所講惟孝友諸大端非若世俗玉帛往來豚蹄宴會誇耀門庭已也此其德可爲型自宜福能兼壽余匏繫一官不獲與同人登堂共慶曷勝遙情繾綣歎或曰太翁所望者後昆飛翔雲路耳而又不然卽如余幸脫樊籠而奔馳南北鞅掌徒勞以視太翁頤養邱園一堂四世睦睦雍雍者奚啻霄壤值此黃菊舒英長生有錄萃於一門喜又何如耶况他年鳳毛繼起紫誥頻頒翹首可待由此籌添海屋快覩銀黃余時倘林下優游還當買舟一葉溯浹江古渡補爲文



以侑壽觴諒同人必謂余言不謬也是爲序皆在

乾隆四十年歲次乙未九月 年家眷弟李昌昱拜撰

能者不用教梓里遠近咸法其德矣夫德者道之在人也  
 事夫聖人其德之與久矣夫德從而物之理之其功以  
 田春秋且豆於廟前若今為梓名列成均係官紳所謀惟學友  
 諸大端非若十位士捐在來版館宴會聘請門庭已也助其德可  
 為聖自宜無記筆書余絕繫一言不獲與同人特堂其慶易於  
 情德結數感曰太論所望者必長形則為善耳而又不然即如余  
 李脫笑繼而拜隨南北機筆徒勞以觀太翁頭垂耳聞一室四世  
 臨臨難病者奚嘗嘗環他此黃菊舒英長生有蓮華於一門壽  
 輝輝四十半歲於心未大月話如朝來春氣春風自是轉轉  
 身前籌獻結同人必臨余言不離出長魚神樹珠江百歲而後

清賜進士出身

勅授文林郎知南平縣事虛谷公壽序

蛟川陳修鼎小礮

鄭虛谷二兄先生七旬初度宗黨姍親環製屏幅爲先生壽而先生辭勿舉行適余假旋省侍諸君子以余與先生昔同鄉榜兼通戚誼也特來乞言余維先生生平明體達用洵有足傳諸不朽者二十年來旣相與有舊曷敢以不文辭詩不云乎爲此春酒以介眉壽前卒歲匆匆姑無庸議轉瞬歲華維新躋堂稱慶試張此文以侑酒先生有不顧而樂之輾然連晉巨觥也乎先生家惟耕讀自幼服贈公庭訓率教惟謹爲諸生二十餘年歲癸酉始登賢書越四載成進士先是鄉前輩王大令靜樞先生嘗以鄉會元魁領

袖多士自乾隆丙戌後竟無以甲第繼起者先生於丙戌生至是實嘉慶丁丑遂若拔赤幟而先登焉謂非開五十年之風氣歟先生本無宦情且年踰知非榜下準擬就教房師袁金溪先生勉以民社之責匪異人任不得已捧檄閩南閩故蠻地素稱難治先生勤求民瘼一以清慎自勵其始攝篆歸化歸邑深山窮谷間藏竊盜先生捐廉俸募鄉勇奮行緝捕由是盜風以息不特聽訟唯明不數月而案牘肅清也故去之日紳耆攀轅者不絕於道厥後題補延平之南平縣縣當上下四郡孔道羽書旁午使者賓從往來絡繹一切供帳應給取具而已未嘗資緣要媚冀博上官歡心夫人讀聖賢書一行作吏但使上不負君下不負民以之膺不次之



擢裕如也而顧左遷閒冷人方以醇謹獲咎爲先生惜先生則曰  
古君子躬秉道德遭屈者不可勝數余以不才被議惟自慚獲上  
之無術耳豈以此爲耿耿哉此亦可見先生之立身矣方其秉鐸  
禾郡訓迪善誘動以身教相先十年之間多所造就自闡季耗間  
後咨嗟匏繫心抑鬱不自樂遂借病決計歸休兩漢而下風尙淳  
古士大夫猶得以期功自便故陶公令彭澤八旬適因程氏姊戚  
罷官今先生於舉世不行之時動與古會其足以敦薄俗勵澆風  
者豈淺鮮耶有子五皆象賢其仲與季兩嗣君並稱名下士諸孫  
亦嶄然見頭角先生眞福曜哉他日家乘國史孝友循吏兩傳自  
當採擇以垂後世區區祝嘏之文又何暇縷述以亂其例耶然而



清敕授儒林郎浦山鄭君六旬壽序

徐受荃

吾郡之望族惟鄭氏爲最著鄆之湖上慈之鶴浦鎮之澥浦並以  
大家稱而澥浦鄭氏獨能醇謹世其家洵義門之家範也余爲諸  
生時盡交鄭氏知名士湖上有掌之孝廉鶴浦有蘭香徵君最後  
乃得澥浦之浦山浦山與呂子篁洲爲中表篁洲余妹婿也因篁  
洲始獲交於浦山浦山狀貌敦厚中符其外與之論古今事若然  
中理解余敬且畏而篁洲又時時稱道其行誼有古君子風故知  
浦山之詳者莫如余去年恭膺 簡命觀察山左篁洲過余話別  
以浦山年將六十乞爲文以壽匆匆未有以應也今秋篁洲書來  
責諾又曷敢以不文辭然余嘗聞人之稱浦山者矣大都謂其始



而勤儉克紹先人之業晚而退歸謹守止足之戒以是爲浦山之  
才識有遠過尋常者淺之乎視浦山矣烏足以知浦山哉當大父  
我賓先生寄跡甬上以魚鹽起家時尊甫文水先生幕游臺灣浦  
山年纔冠耳兩弟又弱小一身力爲襄理內外事措之裕如也其  
在書曰率乃祖攸行易曰有子考无咎浦山有焉迨文水先生倦  
遊歸歸數年而卒浦山偕其兩弟哀毀骨立喪葬盡禮加人一等  
事母毛太安人色養惟謹事無鉅細必稟命而行一出納錙銖不  
敢自專至太安人樂善好施悉奉行以承其歡若蕭山養濟堂施  
捨寒衣百餘襲亦其一端也待兩弟友愛踰常風雨對床寒暑靡  
間未幾相繼歿太安人猶在堂浦山多方勸慰每於無人處吞聲



飲泣撫遺孤一如己出尤世俗所罕覩而浦山祇行其心之所安  
殊不知其難也以余所聞於篁洲者如此此則浦山之所以爲浦  
山而豈區區操奇贏致富厚爲足誇耀里閭耶至其追念乃祖乃  
父循例請封得六品銜焚黃告墓光賁泉壤然終以未獲親見  
爲憾斯亦見至性之過人數十年如一日也夫湖上鄭氏當南宋  
時其名位幾與史氏埒鶴浦自寒村先生以文章經術顯過二老  
閣下猶想見前輩遺風今浦山延師設塾課督甚嚴哲嗣士選雋  
才績學已可卜其遠到從茲康強逢吉邀福正未有艾也俾後之  
稱望族者首推澥浦而溯積慶之由來必自浦山始浦山其笑而  
晉一觴乎皆在

道光九年歲次己丑十一月

姍愚弟徐受荃拜撰

孤苦無告前蒙諸翁憐之由來及自前山故前山其美而  
 本體學已可十其後從茲無題數言滋願耳未嘗艾出機鋒立  
 關不假賦長情筆無風令前山孤睡煩瑣精營甚艱涉關士憂  
 細其名並與史可憐備前山寒林犬主以文章殊游關越工各  
 欲酬洪衣長知赴之繼人樓市爭吸可日也夫雖由腹其當所宋  
 其醉阿語 佳野交語 奕奕昔墓光黃泉難於 以 謝 謝 謝 景  
 山而宜益風然後贏疑高孰欲武翁獸星同願空其於余何厭何  
 然不攻其難也 於余世隔城 變 而 青 故 此 出 關 前 山 之 德 以 爲 謝  
 於 謝 謝 謝 一 城 出 大 廿 難 而 至 購 而 帶 山 漸 淨 其 心 之 謝 謝

清敕授儒林郎浦山鄭君七秩壽序  
徐受荃

歲己丑余在濟南官署郵寄浦山鄭君六旬壽序於今忽一十年矣迨自告假里居始得與浦山把臂言歡而浦山年愈高德愈邵晚景愈豐因歎余前之頌颺非虛而鄭氏之積累至浦山而益大茲親友復欲得予一言爲七十壽余不敢以不文辭者猶前志也夫浦山之孝於親友於弟種種善行前序言之甚詳余何能贅特是庸德懿好溢聞乎閭里詩曰心乎愛矣遐不謂矣則余之津津樂道不難於前序外再三爲浦山頌云蓋人生之行莫大於孝而孝莫大於養志假令浦山以少年好學奮志博功名縉然取青紫如拾芥豈不甚願而老親在堂舊業將替挾策之志終不勝其倚

閭之望浦山遂棄舉子業持籌握算習計然之策爲洗腆羞者計其達權知變非篤於至性者能之乎且世俗之所謂孝者潔滌瀝奉盤匱自謂周旋盡禮而不能曲體親心何能錫類不匱當夫仲弟介弟相繼卽世也幼子弱女煢然孑立不能不厯父母念而浦山以父母之心篤手足之愛惟孝友于兄弟一門和氣行路無間言薛包趙禮之風不復見於今乎是知能承先者必能啓後能繼志者必能述事如浦山之棄舉子業也本非夙願不得已爲親老改圖今則家業日隆隆起仰事俯畜綽乎裕如旣富而教聖人所重於是擇名師崇實學或負笈以從或閉戶以課以酬生平未竟之業以慰先人未了之志以大鄭氏積德累仁之食報不於其身



必於其後人豈不偉歟今嗣子五人俱德配孔安人出長士昂早  
世次濟勳已貢入成均三士杲出爲巨山君後四士景五士昆俱  
國學生岐嶷秀茁氣宇不凡諸孫雖幼亦嶄然見頭角浦山業已  
援例得六品職銜 蒙恩追封二代而子孫以詩書繼起厥後  
鸞章疊寵其焜耀詎止目前此固推平日之孝思可預券於他日  
也余文之工拙所不敢計而浦山之人之行是又不可不言者倘  
自八十以至百歲諸君子尙欲登堂稱慶余雖老矣猶能爲浦山  
頌之是爲序皆在

道光十九年己亥黃鐘月

媿愚弟徐受荃拜撰

國之望補山廷建舉子業特得博覽於然之...  
 數夫士大卒日交黃鯨凡...  
 降文其為我備存...  
 即入市以...  
 出余...  
 補...  
 遊...  
 暇...  
 斯...  
 汝...

清誥封奉直大夫浦山鄭君八十暨孔宜人雙壽序

童

槐

萼君

余夙知鄭君浦山嘗心儀之今君之季子與余三子訂兒女姻往來益親厚適以君八十弧辰淑配孔宜人亦年七十有六矣諸嗣君將稱觴爲厥父母慶先期戚友徵言於余余故不習爲酬應之文於君則曷可無一言君性誠樸而明於事理甫冠承其大父我賓公遺業賈於甬時尊甫文水公方游幕臺灣君兩弟幼弱肆中多折閱人或爲慮君毅然任之卒能善保先緒家益振其才識過人如此文水公倦遊歸數年即棄養君偕兩弟事母得毛太宜人歡孝友之稱人無間言太宜人好施與有義舉君必稟命而行無

何兩弟繼歿君念堂上垂老恐不勝戚爲作千百計撫弟之子女  
一如己出以季弟無子命其第三子後之太宜人由是稍稍寬慰  
以高年終後更十餘年食指繁甚君始與姪異爨其平居教子姪  
一以勤謹醇厚嘗曰汝曹毋耽於遺毋習於奢毋流於刻薄以賸  
我先人之澤是所望也自甬江退而家居者幾三十年與孔宜人  
督理家政孔宜人亦克宣閭教內助稱賢門庭內外雍如秩如可  
以知家法矣人情莫不豔於所得然或得於彼而遺於此夫才略  
之士操其奇贏赫以資財雄鄉里而家庭骨肉之間其涼德有不  
可爲諱者今君起家勤儉坐致素封所以修於身而見於言惟是  
敦本崇實承先裕後之事非實有得於中而足爲世俗風者乎君



世居澥浦族姓繁衍近復卜宅郡中門戶堂構之計益顯以大先是君循例得布政司理問銜嗣以捐輸軍饟次君濟勳議叙鹽課司提舉銜君得邀 覃恩晉封今階今諸嗣君咸克勤厥業知孝養諸孫能讀書循循有禮法上壽之日綵服煒然蘭玉森立鄉之人莫不榮之余謂高年碩德 朝廷之人瑞里黨之儀型也康強逢吉理有固然則君與孔宜人所以壽其身而昌其後者正未有艾自今以往期頤偕老 鸞書疊錫余將不一書也皆

道光二十九年己酉孟秋月

姻家弟童 槐拜撰

一節已出以承前卷之末其意之宏富人所共知  
 數次二十次平石西並海以... 賦新...  
 艾自今以起朕願能... 繼壽... 命無不...  
 致吉既育固然... 與... 宜... 人... 以... 其... 功... 五... 言...  
 人莫不... 之... 余... 爾... 高... 半... 願... 壽... 德... 我... 之... 人... 誰... 更... 黨... 之... 難... 堪... 也... 哉...  
 幾... 前... 為... 踏... 履... 德... 滿... 願... 亦... 難... 於... 上... 壽... 之... 日... 聯... 興... 敬... 祭... 廟... 主... 奉... 立... 禮... 文...  
 臣... 跪... 舉... 禮... 言... 辭... 謝... 以... 享... 恩... 膏... 德... 之... 潤... 矣... 願... 祈... 南... 風... 吹... 萬... 歲... 業... 時... 亨...  
 長... 壽... 齡... 萬... 壽... 帝... 萬... 壽... 臣... 願... 以... 財... 重... 禮... 定... 儀... 齊... 禮... 禮... 禮... 禮... 禮...  
 臣... 願... 祈... 南... 風... 吹... 萬... 歲... 業... 時... 亨...

清貽贈朝議大夫會稽縣學訓導附貢生稻香鄭先生暨  
貽贈恭人吳太恭人六旬雙壽序

唐廷綸

蓋聞杖國杖朝祝嘏著羅鳩之典懸弧懸帨祈年抒獻爵之忱自  
來書亥紀年必藉受辛擒藻况迺坊重興賢里稱通德當黍谷迎  
陽之際效麥邱晉祝之文幕七重而緹室春回圖百耄而瑤階日  
永斟來鶴筭霞溢瓊觴望到蛟川雲輝華閣能無黎收肅拜稱媿  
趨前歌景福以下曼延獻嘉頌而光魁碩歟稻香先生寓內彥士  
浙東俊才品重植緒文先鳴鸞無雙早推江夏第一能對郟詵聲  
聞膠序年華冠帶宿學負專家之譽說經觥觥茂才荷異等之褒  
表躬嶽嶽固當氣雄青兕問對白麀指蓬闥爲前程視銀簧如拾

芥矣而乃徙海阻鯤籛雲屈驥問難立扶風之帳博通升祭酒之  
堂書擁若城官閒於水問此邦之竹箭羣被春風攬勝地於梅梁  
早勇化雨旣而投簪願適解組身高辭鶴書而鶴笏歸田挽鹿車  
而鹿門借隱颺風朏月謝家之伯仲蟬嫣贊酪質酥穆氏之友昆  
鵲起並能榮紆墨綬業紹青箱其間羣從之英英尤數長君之犖  
犖竣得臣筆享受萇詩遂超五鳳而先飛更集鱣堂之嘉瑞鸞  
章稠疊捧出螭坳象服委佗歡聯鴻案允宜成鳩紉道斟雉紼  
齡豈知算延鳳紀躋壽寶本滂仁齒駐麋祈餘慶亦由積善則且  
卽修德獲報之貞符當鞠脰袞鞬之嚆矢可乎先生幼而岐嶷長  
更徇通門內爲百行之先家範表一鄉之式歡承梓舍譽茁蘭芽



其濟美也等楹書之傳晏其繩武也等石硯之受喬其侍重闈也  
等令伯之報劉其奉母儀也等士行之事湛以至繭有同功爨無  
異突陸氏東西之屋何家大小之山罔弗翕彼輿評奉爲家督蓋  
孝思有如此者矧復燔券當衢分田贖命睦嫻推愛任卹成風當  
金饑水毀之偶形合薪婦筍翁而待拯野無鴻羽共戴陽施筍有  
雀環正多陰德沐潤河者九里恃舉火者百家即至唳鶴聲聞吠  
龙寐警守望奉井田之法捍衛嚴閭里之防澤靖荏蒲惠流桑梓  
蓋義尙有如此者然而直聲共著德色不形矧矧如畏之心抑抑  
鳴謙之度王彥方風節鄉黨薰陶陳太邱典型嬰媿欽佩秉性化  
耿夷之跡卜居在廉讓之間如造浮屠已登七級倘聞妄語足賭

一縑蓋德修有如此者且夫瑟和琴彈必合鵠絃於雁柱律兼呂  
應必諧鳳奏以鸞鳴丈人則望重儒林賢媛亦名昭女憲德配吳  
太恭人德曜賢姝延陵貴胄饑供夕雁悅警晨鷄相夫厯顧杼之  
勞賙急有脫簪之助凡先生之燕寢禮修鵠原誼篤義莊續范忍  
字師張悉由佳儷之同心成者英之碩望用是鈴旂誕昉石磬生  
琳聯芳輝六出之葩繞膝茁諸孫之秀雖山南橋蔭培成富貴花  
枝而堂北護暉兼護科名草帶蓋合敬同愛有如此者今日者三  
章陔雅並奏由庚六艷耆齡恰符吉戊木公年齒正當花甲之一  
周金母佩環甲祝長生者兩載慶彼馬家瑜珥十二孫分列庭階  
合之白傅金鑿廿四人大歡翁姥吹李委磯頭之笛一鶴橫江暉

王登座上之璈雙鸞銜簡綸等誼叨御李儀並師鍾託梓里之舊  
遊晉瓠尊而介嘏所願歲歲恆春年年麗景 恩醲日下五花晉

龍綉之封福自天申三壽衍麋梨之慶謹序皆在

咸豐八年歲次戊午十一月 世愚弟唐廷綸拜撰

一 德修有知此者其夫... 必合... 必合... 必合...  
 德必... 必... 必... 必... 必... 必... 必... 必... 必... 必...  
 夫... 夫... 夫... 夫... 夫... 夫... 夫... 夫... 夫... 夫...  
 勞... 勞... 勞... 勞... 勞... 勞... 勞... 勞... 勞... 勞...  
 字... 字... 字... 字... 字... 字... 字... 字... 字... 字...  
 謝... 謝... 謝... 謝... 謝... 謝... 謝... 謝... 謝... 謝...  
 陳... 陳... 陳... 陳... 陳... 陳... 陳... 陳... 陳... 陳...  
 章... 章... 章... 章... 章... 章... 章... 章... 章... 章...  
 謝... 謝... 謝... 謝... 謝... 謝... 謝... 謝... 謝... 謝...  
 王... 王... 王... 王... 王... 王... 王... 王... 王... 王...



清例授修職郎候選訓導歲貢生小谷鄭君暨陳孺人六旬雙壽

序

霖伯

上壯渚丹元陰極亥圉陽始萌析木會辰蕤律上轉是日也慶成  
飲福紫府錫籌值我友小谷鄭君復中迓祺維下符耆劄詩緝頌  
舉觴迎祉者炳如袞如已君系出滎陽郡子友氏後先世自文谿  
遷吾邑靈緒歸然成一望胸山啓賢紳教洙泗之緒夾溲博學張  
大通德之門君則夙業鍾慧已殊瑣才裴彥秀范淳夫之流也長  
勤關覽不事偶說荀慈明匡稗圭之亞也今年君六十矣在昔朱  
巨觀年六十意氣不少衰白樂天年六十自稱強健陸放翁慶歐  
陽碧溪六十嘗謂薦更花甲歲月始新大抵以謏充闕太和而以

亭育崇上善故蕃釐由是翊純嘏由是竺也若君之生平其所以  
綿學植名莠蔭培福者又可綜述其大焉懿惟君之太翁益齋老  
伯大人由甲科知福建歸化南平縣事有政聲晚年解組司鐸嘉  
禾以甄陶後進爲任君隨侍趨庭守經凜訓旣居巖序之列爰膺  
成均之選迨蓼莪詩廢盡禮盡哀風雨慕廬枕塊茹蘖僉以爲君  
之孝嘗聞謝饗者四夔臚懽者三雅所謂棣鄂韡連枝榮也君有  
昆一人有弟三人並遭不祿獻能之嗟四桂惠連之感春艸君不  
是過焉然憶分爨之始新閭故宅稟命析居罔或爭言後且鞠教  
猶子顧卹備周僉以爲君之友夫惟庸德之懇懇者能充善之擢  
擢以故君之謚躬也銘崇穆之箴操張融之律行之醇可以風世

學之樸可以化人復如谷口子真持默守道賈山種樹以養天頤  
洵其飭已而不徇俗者以故君之處世也慕義若轉環急公如過  
礪勸捐以修文 廟得丁子然崇學之規練勇以衛鄉閭酌呂新  
吾防堡之濶至於治禁解難里黨賴之其又蔡約石慶者流與其  
內之支楹也如彼其外之修禊也復如此宜乎緝至六喜鑿行八  
牕四印中提五倉外習挹婁之梯以累而運期之案允齊也惟君  
之淑耦陳孺人具益壽氏之令儀習宣文君之嫵範葦然姱行稱  
內助賢此其耀管南榮粉和壺儷咸詡以爲句漏之葛鮑與霸陵  
之梁孟矣君庭下三株頡頏王樹雖弱一个勗勗並驂次君瀚出  
入鈇掘工於計億三君瀾清芬纘業矢志顯揚君嘗援綱目人譜



諸書躬爲論誠而又以宅質尙厚者繩約之明德達人可豫筮者  
變與君弱冠始交誼深曷事則邁斯鏘璜衍曼晉兕延華福抱歸  
房喜來入屋相與嬋連稱妮爲君介眉敢隸鄙辭用陳嫩德以之  
侑陶宴之酌代商山之謔君或趨焉異日者翔洽泰衢杖藜朝稱  
耄副名山之人瑞其龐禡詎有涯乎是爲序皆在案次齊也謝書  
咸豐十年歲次庚申十月

世愚姚三變拜撰



清誥封朝議大夫國學生篆塋鄭君六秩壽序

陳勸

鎮之澥浦僻在邑濱而風聲氣習頗知以禮義相崇尚故雖商賈者流類多士君子之行余友鄭觀察竹溪世居是鄉常造其廬竹溪爲余道其族弟篆塋君行誼之美蓋有孝友睦婣任卹之實而復能以勤儉爲家法者也余心儀久之今年季秋二十有三日爲其六旬弧旦其姪孫寅初文學於余表弟王君雲干爲世家子因介雲干乞余文以祝君試爲揚摧而陳之君家聚族澥浦十七房多歷年所忠厚畱貽嘉謀載遠簪纓者碩代有傳人君爲 勳封朝議大夫玉璜先生之季子生具至稟祇奉二人視膳問衣竭忱調護逮及終養執喪盡禮嘗語家人曰他日爲邱首計苟魂魄得

依先壟九原之下其樂當不知何如耶及旣得 贈公吉兆堪輿  
家曰其旁君可復營生壙君喜曰此吾之夙心也竟成之於此有  
以見君之孝君友愛兩兄推肥受瘠童卯見稱析爨後通有無均  
休戚怡怡之忱始終不渝偶見鄰里有相猶者婉風之其人感悟  
而止於此有以見君之友鄭氏子姓繁衍其家廟祇序昭穆君慮  
女主之未得統宗也迺於享堂之後隙地構堂爲小祠以供女主  
曰後之修譜牒者可於茲參稽焉族有喪或貧無以殮葬君集族  
人輸貲設會爲具棺槨於是喪家得不仰於他族戚黨有告乏者  
亦未嘗或吝於此有以見君之能睦婣而任卹矣家不中人產君  
旣習計然鬻貨居奇輒載喜抱子由是家漸饒平居無鮮衣美食

而聞義勇爲去家二十里有蓬萊山舊有止觀亭以憩行者歲久  
圯君重新之行者以喜其生平好義率類此德配余恭人少君一  
歲自始歸以至今日內助賢聲翕然三黨知君有刑于之化焉君  
性正直言無宿諾平心率物鄉里愛之重之生三子二女向平之  
願今已畢矣諸子皆習父業君見其克自成立迺命別籍曰汝曹  
能法吾勤儉吾復何求長君蘭芬司馬尤練於才次蘭生上舍三  
蘭卿司馬並紹德踐行饒有父風君以蘭芬官得加級邀 封典  
皓首齊眉兒孫林立閭里親黨譁然稱晚福而君自視歆然復時  
以兢業爲勗其於士君子之行夫何歉乎哉夫人惟厲身務本造  
物未有不因而培之蓋德性旣堅壽祉斯永其馥厚由其天全其

器闕故其福茂今君之躬行敦篤力培元氣若此而謂造物有不  
使之享大年膺多祜耶異日者子若孫輩黃騰達英才蔚起出而  
爲國家施其經濟君以康彊之身疊拜九重之寵命將大富貴  
亦壽考當有名公鉅卿爲君紀介麋而播嘉話豈第如今茲之顯  
榮已哉試以余文爲將來券時在

光緒七年歲次辛巳九月某日愚弟詠橋陳勸拜撰



清例贈沈太孺人七旬壽序

汪廷珍

介壽之詩見於大小二雅大抵朝廷燕饗宣德達情之作而莫著於魯頌之祝僖公也曰魯侯燕喜令妻壽母又曰既多受祉黃髮兒齒蓋僖公享國永年能合一國之歡心以事其親故奚斯作是詩以被金石薦宗廟後世祝嘏之辭寶昉於此自元明以來士大夫之欲壽其親者莫不請於搢紳先生以詠歌而稱道之雖其事非古然據事直陳以伸人子顯揚之意未始非教孝之義也今年五月鎮邑進士鄭君謙寓書京師以其叔母沈太孺人七旬初度乞言於余進士爲余主泐闈時所取士所言宜無不信余受其書而讀之知進士君伯叔三人其季太學生爾康公與進士贈公友

愛尤篤因言沈太孺人之來歸也事舅姑克盡婦道及舅姑歿事贈公如事其舅事贈公夫人如事其姑愛進士君如己子太孺人子一太學生薰女六皆適士族爾康公之卽世也令嗣薰敦白華之行修南陔之養能曲意承歡而太孺人性好儉約布衣蔬食泊如也前屆六旬初度薰欲洗腆致慶時值歲饑太孺人諭之曰古人於鄰里鄉黨素有周恤爾盍捐一朝之饗以活千百人之命乎薰遂出貲賑濟餓者以爲親族倡承母志也蓋太孺人仁慈好行其德事多類此薰有三子長曰楷已入縣庠生二子俱幼次曰精太學生次幼太孺人老年康健亦可以娛孫曾爲樂矣去歲七月三日爲太孺人七秩說悅之辰進士君官於閩中不克奉觴上壽

及歸而寓書於余欲得芬芳之詞以爲親族交遊光寵也余隳括  
其書詞而言之如此以庶幾詩人道揚盛美之義余以菲材忝掌  
春官際 國家重熙累洽 聖天子錫類推恩自一命以上其父  
母無不蒙其榮施者蓋教孝即以勸忠也士大夫幸生今日可謂  
極千載一時之盛進士君家世孝友其益勗昆弟子姪務爲君子  
長者之行吾知鄭氏之科第方興未艾也將見太孺人年愈劭福  
愈增其所以受 國恩而延家慶者當以余言爲左券矣夫是爲  
序

道光四年歲次甲申七月

通家生山陽汪廷珍拜撰

數次四手趨太甲甲申山氏人如事既列聖何則蓋其每賦與  
 我一大學中謂女大者應士族爾出公之即世也命爾為我  
 愈謝其何以受國恩而致家貧者皆以家言微也我與夫最  
 是書文治吾時願汝之採斂其與夫也此其大器人治必必  
 蘇于歸十御女歸書也保家增壽女其益得且須于致德壽  
 毋無不蒙其榮其德其德其德其德其德其德其德其德其德  
 壽其期其期其期其期其期其期其期其期其期其期其期其  
 其書爾而書之則其以照德者人直歸其美之德也其德其  
 其德其德其德其德其德其德其德其德其德其德其德其德



清勅封安人毛太安人七旬壽序

黃定文

吾郡澥浦爲鎮邑巨族地處海濱聚族而居者千餘家其家世多  
達人近有以名進士起家宰百里者其族皆閨門雍穆多賢內助  
而佐夫教子克成家業尤能知大義敦宗睦族不吝解推以濟窮  
困爲人所不能爲者則稱毛太安人焉太安人爲懋昭毛公季女  
贈儒林郎文水鄭公德配于歸時舅姑俱在堂能善承色笑克修  
婦職其舅我賓先生與余叔父偉亭公稱莫逆交嘗與偉亭公言  
其子婦之賢余時在偉亭公側心竊儀之其後余在京師筮仕嶺  
嶠大江南北不相聞問者久之近自江南歸余表弟徐子楚彥與  
太安人長嗣德標相友善詢知太安人康強無恙家業日隆隆起

淑德懿行傳播里閭昔爲賢婦今爲賢母始知昔日其舅我賓先生所嘖嘖稱道者信而有徵而太安人之賢久而彌彰也歲壬午臘爲太安人七十輓且德標介楚彥乞余文以爲壽且言太安人六旬時國子助教陳君旭峯嘗賜以壽言因錄以示余余讀其文具言太安人生平閩範淑行潔滌澹以奉尊章俛夫子遨遊四方無內顧憂修蘋蘩以供祭祀即旁支世系亦必誠必敬事上接下以及延賓燕客無不親司中饋勤以律身儉以持家旣詳且盡復何待余之贅言乎楚彥與余曰陳君所言太安人六旬以前事也今太安人年彌高德彌邵有爲常人所不能爲者因又縷述其近事余曰此太安人所以福壽綿長也嘉慶乙亥歲歙族中餓者數

百家太安人見之惻然命德標首爲義事并勸其族之有餘粟者各發倉賑施如是者半年於是族之貧者得以自存太安人又嘗於蕭山養濟堂施寒衣百數十襲慨自人情衰薄族黨鄰里相賙相恤之道廢往往有坐擁倉箱廩有積粟家有餘帛奴僕飫白粲廐馬被繒綵而坐視鄰族之饑且寒者比比皆然雖然惻隱之心人皆有之特無人曉之以義有寂然者耳觀太安人所以命其子者其誰不慷慨激發哉夫指困之義麥舟之助此皆出於古大君子之所爲至今猶樂誦之而太安人身處閨中乃能知大義而盡仁心如此豈尋常之所可及者歟至若葺大橋修行路猶不足爲太安人重也德標承文水公餘業勤遵母訓家日以起嘉慶丁丑





清誥封宜人鄭母張太宜人七秩壽序

朱

蘭

久香

昔人有言男子如日婦人如月日則亘古常圓而月則有盈有缺有晦余嘗論之婦人履常處泰俯仰無所遺憾者盈之象也有得有失不能盡如其懷者缺之象也竄艱迫阨湮沒而世莫之知者晦之象也若夫遇多缺陷而守其恆德久而彌彰如月之盈虧循環無己令人長仰其輝光者其惟我鄭伯母張太宜人乎太宜人幼嫻姆教婉婉淑慎年十六歸巽山鄭先生其恪修婦職克盡母道者不可勝書而一生遭際坎坷亦不堪縷述年二十九而失所天中年喪其次嗣君士晁且無所出幸長嗣君士旦生二子太宜人命次孫承其後踰十餘年而士旦亦卒計其先後哀慟悲號腸

一日而九斷不知其幾矣夫以太宜人德性醇懿而遭憫凶若此天道有不當然者然自君子觀之太宜人自歸鄭氏邁姑毛太安人稱其孝伯氏浦山先生稱其賢室內及鄰里鄉黨稱其義晚年以姪子貴榮膺 紫誥 天語褒嘉是彼蒼厄太宜人之身者正所以裸其德而顯其名蓋天道報施善良有順有逆逆即易所謂益之用凶事者是也順則詩所謂俾爾熾而昌俾爾壽而臧者是也自來先逆後順而揚輝於彤管者不乏其人矣昔方望溪傳高節婦謂節婦青年喪夫有二子僦居京師珠市西縫紉以爲生及長子能奉養又夭折次子爲小吏以罪謫遼左節婦復撫諸孫未幾孫裔貴顯贖其父以歸年九十卜居正當珠市西地家僮數十

出入呼擁節婦時指示子孫姻黨京師之人傳爲美談今太宜人  
喪夫及子與高節婦同而延師課讀望孫成名亦與之相媿且賢  
孫彬彬儒雅遜志時敏勤於學文他日鵬程萬里搏扶搖而直上  
不難媲美於前人余是以於太宜人慨辰舉月之圓而缺缺而復  
圓者以爲喻將曙重輪耀彩夫豈同薄祐之嫠婦如螢火若隱若  
現而已哉孫輩奉觴上壽試誦吾言於太宜人之前其將聞而色  
喜也夫皆在

道光三十年歲次庚戌六月

世愚姪朱

蘭拜撰

一日而九漸不知其幾矣夫以大人德性而居而道則昭昭也  
天道有不然而者然自君子觀之太宜人自歸死民過姑于太宜  
直喪三才乎哉夫此六民其賢家內世感致未嘗蘭其贈  
寄此夫皆非清一語也夫語之者其居太宜人之身者正  
其所以結繩華章賦士壽短歸焉言其太宜人之隨其深聞而  
圓香以爲神深觀重誠歸深夫豈同精誠之幾微哉豈夫昔謂  
不難哉美其備人余曷以氣太宜人知氣集民之圓而城城而  
然滿淋漓顯顯志其辨其學文雖日細察萬里轉其辭而直上  
喪夫以千與高前微同而政唯顯顯望其效必亦與之明賦且  
出入和融前微顯顯示下然唯爲京師之人餘欲美類合太宜人



清欽旌節孝大妹鄭老親母六旬壽序

周沛雨

大凡生於天地之間莫不有性鳥之有雉也其性擊木之有松柏也其性堅在物之類此其較著者矣而於人何獨不然今世之論者往往稱男子以血性其於嬪女一似隕然無所用其性者此其見非也夫所謂坤道柔順亦在居常無事時耳或不幸遭歷變故斷不可無真性以主持其間蓋性至則有以自立亦性至則足以自壽余嘗持此意以觀人今迺於大妹信之妹爲余族叔鳳岐公長女余少時見其婉婉聽從勤習組紉猶尋常女子而已及笄後適鄭君巨梁君爲人愜爽妹事之靜好無違必敬必戒亦猶尋常婦人而已未幾巨梁君以疾卒是時妹年三十稱未亡人撫子女

各一不數年子又殤妹卽撫姪仰輝爲巨梁君後而後知尋常嬾  
女中固有秉性嚴毅得與烈丈夫比迹者在夫古稱婦之烈夏侯  
女尙矣顧後人不必同其變境也若夫梁高行與懷清巴婦類非  
有真性情者不能况妹抱所天之痛屢欲以身殉而及其立後則  
內斷於心絕無瞻徇遲疑孰如其性之毅其撫嗣子則視如己出  
而責善督過又絕不姑息孰如其性之嚴其他持身接物悉稱是  
向非有是性世何以有忠臣有孝子卽閨閣中又何以有節婦賢  
母哉當日姑氏毛太夫人在堂性耿直與余妹同深憐愛之夫兄  
浦山先生亦於弟婦尤爲之加禮妹比歲櫻目疾淨掃一室長齋  
奉佛遇有家事輒咄嗟而辦不稍遷就人謂神明至老不衰而豈

知其本乎性天有愈厲而愈見貞固者故由前以論不啻雉之介  
性自今以往更可驗松柏之有本性也今年四月爲妹六十生辰  
余旣素悉妹行三子鑰之又久辱爲婿余不容無一辭以侑康爵  
爰書其足以自立而自壽者卜其大年且以備他日彤管之采云  
謹序皆在

道光二十五年歲次乙巳四月

愚兄周沛雨拜撰





清欽旌節孝敕封安人周太安人七旬壽序  
婦人之義莫重於節我朝定制歲令有司采訪以其事聞例得  
建坊表里所以植綱常勵風教也鎮海澥浦之鄭有娣姒並邀  
旌典者曰張太宜人周太安人鄉之人莫不榮之稱爲一門雙節  
云咸豐五年孟夏之月爲周太安人七旬輓慶戚友思以揚徽媿  
而頌貞壽者以余平昔與太安人子姪相往還稔其闔行先期屬  
爲介爵之言於誼不敢辭太安人年及笄適鄭爲巨山先生配先  
生幼隨其伯兄浦山先生仲兄巽山先生事父母唯謹旣得太安  
人爲內助脂膏滌滌克供婦職姑氏毛太夫人性頗嚴急太安人  
事之常得歡心先生捐館舍遺一子一女太安人年三十矢志撫

孤未幾子又殤乃請諸浦山先生以其第三子眉軒君爲嗣浦山先生素敦友愛兩弟旣早世諸姪幼弱不忍異炊太安人則事無鉅細一惟兄妯之裁度而能內和其妯娌以故一家雍睦無間言浦山先生年六十餘始與諸姪析產時則太安人旣得佳兒佳婦侍奉朝夕旋且孫亦娶婦長齋禮佛晚景堪娛孰知歲在庚戌又遭眉軒君之喪嗚呼天之扞我如不我克以太安人早失所天鬻子之閔有過尋常而復罹此戚其慘切蓋有不忍言者雖然天之爲道也鬱之不久則發之不光困而得亨艱以蒙福此理之常也古人有言松柏之姿凌冬愈茂吾蓋於太安人信之矣從子竹溪君邇以捐輸軍餉議叙光祿寺署正巨山先生 馳贈儒林郎太

安人克受 封典如例詰孫芳壙亦授職布政使司經歷其羣從  
子姓多策名仕籍榮進有階茲者壽屆古稀置酒稱慶一堂之上  
濟濟冠裳孫曾玉立太安人顧而樂之其足慰疇昔之含辛茹苦  
者固有在矣而未已也嘗讀周易至恆之六五曰恆其德貞婦人  
吉太安人所遭之境常變亨屯不一其致而德之恆者歷數十年  
如一日可不謂之貞乎蓋天卽能困太安人之遇不能使太安人  
不恆其德天旣不能使太安人不恆其德卽不能使太安人不恆  
其年由是推之則夫臻上壽享純嘏所謂自天祐之吉无不利者  
其獲福又豈可量哉異日者耄耋期頤皤然黃髮覩後昆之鵲起  
而疊膺 封誥福祉之盛門祚之昌其榮耀必有遠過於今茲者





清勅封安人鄭母陳太安人六十壽序

徐時棟

柳泉

澥浦鄭氏爲蛟川巨室自余交竹溪觀察屢接其房從觀察有從  
子曰芳壩端謹能文章余固已心重之去來旣熟而後知其母氏  
陳太安人之賢也同治甲子太安人年六十芳壩乞一言書屏障  
夫洗腆致慶者人子之情也道揚懿美者友朋之責也則請以余  
所素知者爲登堂祝嘏之客觀縷陳之太安人者 勅封儒林郎  
曦洲君之德配而 誥贈通議大夫巽山君之子婦也年十七嬪  
於鄭是時祖姑君舅姑皆在堂奉養至喪葬無有失禮年四十失  
所天太安人哀毀痛苦之中不廢家政瑣屑鱗雜躬親劬勞外事  
則命諸子受命於伯叔而行之自奉菲薄祭祀賓客必豐且潔待

館師尤忠敬每以先志勸諸孤其後芳壩受知於郡邑大夫歷試  
冠軍既入庠序爲名諸生太安人教誨之無改往昔先是太安人  
嬪十年未孕自念艱得子無以慰親心力勸置沙室未幾太安人  
連舉二丈夫子而少室亦生一女太安人愛如己出爲之擇婿得  
吾同年友裘君齊生仲子升權升權以咸豐辛亥 恩科舉於鄉  
太安人喜曰吾不負此女也夫古今之稱閩行者莫工於三百篇  
然而螽斯樛木歌詠聖德說詩者釋其意而解之則曰不妒忌而  
已矣曰無嫉妒之心而已矣豈不以羣處和集雖若尋常內行無  
足表異而逮下之美則有非庸衆婦人所可幾其萬一者太安人  
當盛年而爲側貳之謀恩及旁出而不異毛裏之愛即此一事觀

之將所謂有是德而宜有是福者可以頌已性和厚不佞佛而好  
賁予三黨或困急周之無吝色錢米以月給婚嫁以時贈藥餌棺  
槨以歲施聞寡婦將改嫁急止之而顧卹其終身姻家有計稱賁  
而券其田爲償者太安人不受曰吾取汝汝何以生耶其他慈惠  
之行難一一記邇歲 國家下徵饗之令太安人每以急公訓諸  
子命隨諸伯叔量力爲助諸子由是邀 獎叙芳塋得直隸州州  
同銜太安人身爲命婦疊荷 封誥而不自暇逸白髮鬢然督視  
婢媪以措持內政者如故也向者觀察嘗與余長言及其家事輒  
歎芳壙樸厚謹慎爲得力於其母教噫國人之稱願必本於家人  
昆弟之言而觀察之言如此此余所以稔知太安人之爲賢母也

五月二十二日太安人生日也芳孺躬率諸孫綵衣奉竿太安人顧而樂之當必霽顏爲之命酌雖然洗腆致慶者人子之情而亦世俗之常也芳孺身被聖善之教將篤其學以顯其親益大其門以報母德於無窮者宜何如奮發耶善則歸親異時道揚之作且一書之再三書之而未已也芳孺勉乎哉皆在

同治三年歲次甲子五月

世姻侍生徐時棟拜撰



清誥封淑人鄭母吳太淑人六十壽序

陳

勸詠橋

同治六年仲夏鎮海芝昫鄭世兄以月之十有三日爲其尊慈  
誥封淑人吳太淑人六十慶旦將率子婦行上壽之禮先期謁余  
言曰芳壙弱冠而孤兢兢業業弗敢隕越以貽前人羞翳母氏之  
教是賴今願有所述以揚徽媿而頌慈壽姻鄰族黨僉曰惟先生  
宜敢以爲請昔芝昫世父小浦君與余同硯席者數載因徧交其  
羣季往還甚密得熟聞太淑人壺德之詳今茲介眉之作余其奚  
辭太淑人爲鄞邑 誥贈奉政大夫耐旃公長女年十九歸太誥  
贈通議大夫眉軒君爲配眉軒君與小浦君同父太翁 誥贈資  
政大夫浦山公蕃於嗣息兩弟早世其季 誥贈通議大夫巨山

公無子乃命叔子爲之後即眉軒君也太淑人來嬪時家猶同爨  
逮事君姑誥封淑人周太淑人暨本生君舅姑並得歡心厥後  
食指日繁資政公始令諸子析炊而已別卜築於郡城於是太淑  
人事周太淑人益專且精及眉軒君逝世太淑人婦兼子職復十  
餘載周太淑人晚景康娛含飴自樂太和翔洽四世同堂惟太淑  
人賢孝而能養也太淑人性柔順相夫以敬教子以義方遇僕媪  
以恩禮自周太淑人棄養太淑人主內政益持儉習勤不自暇逸  
平居嗇於自奉而惠足及人親族中有貧困寡孤及老而無依者  
月餼之粟其他施藥物棺槨蓋不勝計惟不喜浮屠之說生平不  
入庵院人皆以是賢之夫婦人無奇行婦人而值家庭豫順之時

更無才能之可見易曰无攸遂詩曰無非無議皆此義也惟夫孝  
敬之德慈惠之恩明達之識見得其一節皆足以垂壺範而式女  
宗歷觀經傳史冊下逮學士文人之所撰述其揄揚而頌美者要  
不外此數大端以余所聞太淑人之行事媲美古賢媛有餘矣稱  
慶之日象服委佗綵衣燦爛賓姻濟濟當無不爲太淑人羨而吾  
謂修德獲報美意延年太淑人之膺多祐而享遐齡將未有艾也  
由是而耄耋期頤疊拜 朝廷之 恩命紀年述德必有名公卿  
操簡牘以從事者則不腆之文特其嚆矢也夫皆在  
同治六年歲次丁卯五月

世侍生陳 勸拜撰

同部六半道文下眼正民夫淑人賢本生君勇訪並得此心為後  
 婚滿則以翁輩等限不無文文林其訓夫也夫世存誠於皇天  
 血是而敬蓋眼爾靈我精瞭望文以應命雖有風動浪言亦復  
 臨迎新蘇時美意深我太淑人之德之誠而學聖備深未肯艾也  
 處文母翁張委近絲文熟爾實融爾靈當無不為太淑人勉而吾  
 不伏此獲大誠以余誠聞太淑人文子事誠美古獨勉育給矣蘇  
 宗靈購殊勸與冊不悉學士文人文而勉其備而既美書要  
 辨文蘇慈惠文恩賜教之編良督其一德皆足以垂靈輝而為文  
 更無不誠文而具曰天外淑福日無非屏滿皆其德也雖夫孝



清覃恩上壽賡堂公墓碣

林鶴

公諱惠舜字孝尊號賡堂姓鄭氏世居鎮海靈緒鄉塘路沿村允通公冢子也少貧困服賈吳門操魚鹽業以勤儉起家事父母生養歿葬躬任之盡孝盡禮弟三人友愛無間言仲蚤卒爲撫育其遺孤自奉甚約而性樂善好施與凡施茶施藥印送善書諸舉屢行之無倦與人交重然諾以緩急告推解不少吝尤敦族誼嘗置田十餘畝歸諸宗祠歲取所出以贍孤寡無依者居恆律身行事端方循矩獲人因稱爲方先生不呼其名也卒於咸豐丁巳三月廿二日距生於乾隆丁未七月廿七日享年七十一歲元配劉氏繼配周氏子三長令鏜劉氏出次令鏞三令鎬女二長適胡維東

次適邱全潤俱周氏出孫四開本開樞開樑開杓以其年八月

卜葬於直落河塘之北原時光緒辛巳十月冬林一鶴敬識

歲次謝賦數人因麻為式於本不知其各也卒效風豐丁月三日

田十繪煇龍宗師與出以飢而寒無知者其即軒良行事

分文無與與人交重然指以難急古謝無不少吝式煇效節嘗

費應自奉甚微而封樂善我流與凡謝茶流藥日安善書請舉

建靈其陳升文藝幸盡顯取三人式愛無聞言前通卒無其

顯公蒙于出少貧因服質吳門謝魚鹽業以備外賦家事父母

公請出養字志為謝堂致謝升其保驗或靈絲謝謝劉林

南原土壽類堂公

林

清賜進士出身

勅授文林郎知南平縣事虛谷公墓誌銘

嘉禾

錢福昌

先生諱謙字光烈號益齋又號虛谷姓鄭氏鎮海人也性慤謹尤篤友愛稱於鄉里遇人渾渾無矜飾而進退取舍衡以義積學力行爲諸生二十餘年嘉慶丁丑成進士署福建歸化縣事知南平縣旋改官嘉興府學教授後以季弟耗致疾自免歸蓋其至性有過人者曾祖瑗國學生祖肅國學生 賜贈文林郎父泗邑庠生 勅封文林郎資產僅中人惟耕讀持節儉先生恪守家風釋褐後被服操履不改儒素然儉而不嗇得饒富名其治南平也當閩南孔道賓從絡繹則自割膏腴之半以備不時需其不忍累民如

此始昌補郡學生見先生課士恂恂若居鄉時望而知為長者豈非傳所謂能為師然後能為長者耶道光二十年六月十七日以疾卒於家享年七十有五娶孺人費氏無出繼娶孺人金氏余氏子五長德滋國學生次德容郡學生次德生國學生出嗣季父次德元先卒次德峻邑增生女二一適國學生劉鈞一適郡庠生吳煥孫男八人女六人以二十二年臘月葬於覺度寺蛇山之麓銘曰貌如其心教如其政孰屯其亨以葆其性

道光壬寅歲冬十二月

嘉禾錢福昌拜撰

嘉禾錢福昌

嘉禾錢福昌



清例修職郎巨卿鄭公墓誌

陳喬劍紋

公姓鄭名煥字巨卿鎮之靈緒鄉人余祖姑夫國學生煥文公長子也德配邵孺人慈邑庠生芭東公女也公廉謹樸誠交游不苟而處世和平人樂就之與邵孺人皆以賢聲著於鄉里子五長寅國學生次行志次椿邑廩生次仰志次懌志女二長適陳次適周公生於乾隆三十三年十二月二十四日未時今年七十有六孺人生於乾隆三十四年七月初九日戌時今年七十有五猶皆務德而不倦勤然則使君壽考令妻壽母良有以致之者耳茲以壽域告竣命余書其額余爲誌其大略如此皆在

道光二十三年歲次癸卯五月

眷姪陳喬拜撰



清誥贈資政大夫布政使司經歷浦山鄭君墓志銘

徐時棟 柳泉

君諱錦章本名德標字建霞號浦山鎮海縣澥浦人其先有鳳臺者明萬歷間爲温州瑞安縣主簿權知縣事有惠政是爲君八世祖曾大父禹九吏員大父維嘉父學泗皆監生以君貴贈儒林郎其後累贈至資政大夫母毛氏贈夫人君讀書少聰穎比長念大父衰老父幕游臺灣兩弟並年少於是棄書學賈佐大父懋遷甬江無何大父歿父歸不數年亦卒君上事太夫人下撫諸弟內理瑣屑外權奇贏蓄積餘羨以浸爲蛟川巨室太夫人性慈惠不佞佛而好施與君稟承母教視其力周三黨里有喪給以棺槨久之

不倦歲歉助縣官賤貸偶至蕭山過養濟堂爲棉衣數百襲贈之  
其他增祭田設義塚修治梁道見義勇爲難一二記嘗曰兄弟之  
衰必起於相猶自好之士貌無間言而幾微不然於其心久則疏  
矣故君愛兩弟最肫摯不幸繼卒懼傷太夫人心背人飲泣視仲  
弟兩孤如己子又繼卒視其孫如孫季弟無子以己子後之晚歲  
家居置紫陽綱目藪山人譜諸書於座右時以孝友教訓其子孫  
又曰處己也樸毋華待人也厚毋薄人道也嘗治宅郡城水鳧橋  
余與友人過君新居敦厚和平粹然有道私度其年殆五六十疑  
之笑曰吾重閱始生甲子今二十年一座盡驚歎爲人瑞然則其  
所養又可知己是歲卒寶道光二十九年七月八日以布政司經



歷銜授儒林郎仲子濟勳邀獎叙封奉直大夫及第四子勳以道  
銜加級贈資政大夫夫人孔氏理內政有法度仁惠之德嗣音君  
姑後君二年卒實咸豐元年九月四日年七十八子男五士昂  
馳贈朝議大夫士暹更名濟勳貢生議叙鹽課司提舉銜士杲更  
名濟燾監生君命爲季弟後後以子芳壙貴贈通議大夫士景更  
名勳議叙道銜加四級士昆更名熙鹽運使司運同銜女二嫁監  
生慈谿姚子澮府同知銜鄞縣陳政鍵咸豐十一年四月三日合  
葬君及夫人於慈谿縣東之孫陳陸家莊始吾伯兄與濟勳爲同  
門友今勳交余尤親厚故君之葬也勳來請銘銘曰毛錐齷齪不  
辦雞豚服賈孝養逮親之存何以養親視吾親所親親有愛子子

有後昆凡造家者錙銖是珍母氏聖善曰儉於爾身毋儉於德歷  
其本根既積既散好禮且仁孝弟仁本福履天申不於其身於其  
子孫我庭詩禮我泮藻芹我漿我食我饗我軍帝曰予嘉推恩  
是先龍飛鳳舞榮賁九原靈山之北贈公新阡立德不朽視我刻  
言皆在

咸豐十一年辛酉四月

徐時棟拜撰

清國學生巽山鄭先生墓碣

夏寅

國子生鄭君諱德權字巽行號巽山世居鎮海之澥浦贈儒林郎文水先生仲子也與其兄建霞弟巨梁並以孝義稱君資性沈敏喜讀書雖日操會計暇輒展誦四子書嘗謂余曰趙韓王謂以半部論語治天下信不誣也是以律身行事循循禮法執文水先生之喪哀毀逾常事母毛太安人能得其歡心自奉甚約而戚黨有緩急推解不少吝陳少泉以今之古人許之無媿也卒於嘉慶十四年五月二十四日距生乾隆四十一年四月十七日年三十有四娶張氏子二士且士晁今年八月其兄葬君於石山祖塋之傍以余與君交最久且深屬余一言揭之墓碣故誌其厓略如此皆

在余與誠交其入且其氣余言誠之勤學始其時謂此皆  
道光四年歲次甲申八月令字八其兄愚弟夏寅拜撰

四辛丑月二十四日職生論國四十一辛丑月十八日辛三十有  
難意誠職不也各聚少虛以今之古人指之無敢也卒然讓與士  
交要京與餘常事其子太安人論其其心自率甚憐而如黨育  
既論補命天不節不瀆也最以軒長行事勤勤勤勤文水決生  
喜歸舊觀日熱會指別神風輔四于書營贈余曰鼓轉王備以半  
交本決一神于也與其只與餘餘日發並以琴舞舞其資對然端  
國于主漢林蕭勝射宇異汗無異山廿無餘無之其前觀計林源  
南四學上疑山頂清生墓歸

夏寅



清國學生巨山鄭先生墓碣

陳燮

國子生鄭君諱德楹字巨梁贈儒林郎文水先生之季子也其伯仲俱篤於行誼君亦至性過人入則稟母毛太安人之訓出則事二兄如嚴父故醇謹老成無少年輕儇習氣仲兄巽行卒佐伯兄建霞綜理外務能身任其勞事無鉅細必請命而行未嘗自行已意一時稱孝友者必推澥浦之鄭氏卒於嘉慶二十二年十月初八日生於乾隆四十八年十二月二十一日年僅三十有五娶周氏無出以伯兄之子士杲爲後今年八月與其仲兄並葬於石山之麓而余爲揭其大略於碣皆在

道光四年歲次甲申八月

愚弟陳燮拜撰

散光四羊遊太甲申八月

應律期

夕鐘而余欲識其大湖故麻皆在

應律期

凡無出以印尺之千士果為餘令羊八月與其外尺並裝於下山

八日坐位鐘到四十八羊十二日二十一日半鐘三十首正率風

意一和蘇羊文皆妙計辨能之嘆及卒故無幾二十二羊十月

慮實錄里快極強良於其後事無暇暇故歸命而注未嘗自引日

二尺取銀父文朝朝等取無心半鐘對醫屏中尺與汗卒於印尺

中用為效音鐘背衣深對殿人人則真若手大安人之隨出則非

四于之擬其精蘇蘇字曰樂微對林腹文水後主之客于其前

新山學士目山腹去主意歸

刺變

例授徵仕郎恩貢生蓮亭先生墓碣

劉 鵬 翥軒

先生姓鄭氏諱椿譜諱明之字大年號蓮亭世爲鎮海靈緒鄉人  
曾祖繼銓祖丙俱國學生父煥先生少穎敏束髮讀書輒有悟父  
鍾愛之命業儒長工制藝能詩賦兼善行楷書歲丙戌受知寶應  
朱文定公入邑庠壬辰歲試復爲臨川李北溟侍郎所識拔列高  
等食廩餼與族兄小谷先生齊名時稱二鄭事親有深愛承顏順  
旨能得二人歡昆季六人先生行居四恭兄友弟垂老無間言持  
躬儉樸蕭然寒素與人接和平樂易人咸愛敬之平居絕不干預  
外事日惟手一編披覽不輟暇則閱靈樞素問諸書深得其意嘗  
挾此以濟人屢赴省試不售遂絕意進取以咸豐甲寅恭遇 恩





太學生例封文林郎潤書暨戴孺人墓志銘

劉

鵬翥軒

同治戊辰同邑靈緒鄉鄭生一夔執贄門下稱弟子余見其衣冠  
編素面目間黯然有戚容而貌言舉止恂謹篤雅詢之知喪母已  
二載父潤書君尙健在庭訓嚴素以學行相敦勗因命從余遊余  
自愧然竊心儀之既而一夔入郡庠登賢書余未及詣君賀今年  
秋余纂鄭氏宗譜一夔縗服涕泣以狀來言曰某先君子以五月  
二十日捐館舍將與先孺人合營窆窆請吾師爲文以掩諸幽余  
重違其意不敢辭君姓鄭氏諱德潤字閩水號潤書太學生例封  
文林郎健庵公諱維乾孫梧園公諱學梁次子又曾公諱學參之  
嗣子也母徐孺人繼母陳孺人君質性敦慤少時卽練達如成人

事本生父母及繼父母愉愉色養孝謹如一昆弟七人友愛甚篤  
迄垂老無異總角時自奉儉約至宗黨以匱乏告無不應遇人不  
問輩年皆肅然禮接之雖傾談終日無一語涉於諧謔以故遐邇  
相識莫不欽重輒歎爲長者生平屢遭拂逆未嘗有戚戚之意介  
於懷嘗曰人生莫非命也吾其爲信天翁乎君嘗念祖健庵公讀  
書敦行以耆宿稱於鄉里乃命一夔業儒繼先志課讀之餘兼以  
身教洎一夔成名君復勉之曰吾家累世忠厚吾祖更躬行寶詣  
積善之報及於汝身汝勿以此自滿或墮少年浮亢習氣以蔑先  
德所期望汝者惟其實不惟其名耳其志行如此德配戴孺人佐  
君持內政操井臼事紡績釵荆裙布食貧三十載處之晏如事舅

姑觴豆必精潔晨夕承歡愛敬兼至夙聰慧凡幼所承父口授史事悉識之不忘每當兒女侍坐必引古來忠孝節義可驚可喜之事相勸誡終歲絕不聞譙呵聲惟兩兒逃學則垂涕而道甚或鞭撻以從事焉生平不佞佛未嘗誦一經禮一懺僧尼游募槩屏卻不與至乞食者踵其門則必憐而厚施之人咸謂於君實爲賢儷云君生嘉慶乙亥歲七月初九日卒年六十有七孺人生嘉慶癸酉歲十一月初三日卒同治丙寅歲十月十九日年五十有四子二長傳文蚤卒次一夔譜名傳楷郡庠生光緒己卯科舉人女二長適嚴次適劉銘曰賈其業儒其行繩武善詒謀令諧淑耦媿梁孟一坏土首邱正嗚呼此爲潤書君之藏德潤其名厥姓鄭時





勅贈儒林郎曦洲鄭君墓表

張家驥

子騰

君諱濟川譜諱士旦字希周號曦洲姓鄭氏世爲鎮海靈緒鄉人曾大父維嘉大父學泗俱以國學生累贈資政大夫父德權國學生勲贈通議大夫君生而端慤幼不好弄九歲失怙擗踊號泣居喪如成人就塾讀書廻環循誦必玩索其義嗣以世父浦山公設肆甬江權子母佐理無人乃命君棄儒襄其事君勤敏謹練事無鉅細必稟命而行行輒當浦山公甚喜遂以肆政委任之君既少孤事母張太淑人益摯每自甬江歸必市甘旨奉母食必與弟采亭君同侍母側勸加餐太淑人有所欲爲輒先意曲體之無少拂者歲己丑采亭君遘疾卒無嗣君哀仆幾絕後恐傷母心每於無

人處吞聲飲泣淚爲之枯洎已生二子乃請於母以次子爲弟後  
焉君性寬厚嘗謂人無不善者見世之谿刻居心者輒屏不與交  
居家御臧獲輩無疾言遽色暇卽躬勤灑掃自奉甚約戚友以匱  
乏告無不應壬辰癸巳間歲大饑鄞令程公於和義門外設廠施  
餽粥以食餓者君助米百數十石每日昧爽至其地計口給籌督  
理井井老幼廢疾者均沾飽食全活甚衆以道光甲辰四月十九  
日卒距生於嘉慶辛酉九月二十五日年止四十有四聞者咸嗟  
惜不已云太淑人後君七年卒請旌建坊如例德配陳安人賢  
淑稱內助生嘉慶乙丑五月二十二日卒光緒辛巳十一月十八  
日年七十有七副室王氏今健在子男二芳址郡庠生芳莖出繼

采亭君議叙直隸州州同俱陳安人出女一適慈谿咸豐辛亥恩  
科舉人裘升權王氏出孫男三鍾銜鍾銘邑庠生鍾欽曾孫男二  
衍英潤英以光緒壬午 月 日葬覺度寺前周家橋之原  
王氏生壙附焉時光緒七年歲次辛巳 張家驥拜撰

人... 之... 二子乃請於... 次子...  
焉... 者... 見世之... 不與...  
居家... 無... 色... 動... 幸... 戚友...  
之告無不應... 已... 火... 命... 於... 門... 設...  
館... 以... 者... 助... 來... 百... 數十... 石... 每... 日... 隨... 來... 至... 其... 地... 計... 口... 給...  
理... 井... 井... 老... 幼... 廢... 疾... 者... 均... 沾... 德... 食... 全... 活... 甚... 眾... 以... 道... 光... 甲... 辰... 四... 月... 十... 九...  
王... 其... 聖... 德... 無... 量... 德... 光... 臨... 水... 爭... 熾... 矣... 帝... 恩... 年... 止... 四... 照... 察... 親... 賜... 錢... 萬... 餘...  
帝... 其... 闕... 英... 以... 獎... 酬... 王... 年... 其... 請... 一... 日... 轉... 賞... 錢... 萬... 兩... 恩... 德... 之... 眾...  
採... 人... 妻... 代... 壽... 王... 丑... 世... 孫... 良... 三... 臉... 壽... 輪... 輪... 岳... 軍... 主... 驗... 驗... 會... 德... 具... 二...  
采... 年... 採... 籍... 增... 百... 兩... 俸... 俸... 同... 身... 職... 交... 人... 出... 文... 方... 登... 慈... 德... 無... 量... 幸... 矣... 恩...



清誥贈通議大夫國學生眉軒墓誌銘

陳勸  
詠橋

君諱燾初名士杲字仰輝號眉軒姓鄭氏國學生世爲鎮海縣靈  
緒鄉人曾祖維嘉祖學泗本生父錦章三世俱贈資政大夫父  
楹贈通議大夫母周氏封太淑人君爲資政公第三子幼聰  
穎讀書明大義資政公有第二人通議公爲其季中年連遭哀隰  
之戚而通議公無子乃命君爲之後初資政公承先業以貿易客  
甬江及君成童卽攜之至甬習猗陶之業後數載太淑人春秋漸  
高資政公以君遠隔慈闈不獲朝夕侍左右無以慰母心抑非所  
以教孝也遂令君歸養君溫清定省恪供子職色無不愉容無不  
婉凡所以娛親意者唯恐不至如是者二十餘年而君竟先太淑

人卒彌留之際猶以不得終養爲憾咸豐三年有司彙太淑人與仲妣守節事聞於朝得奉 俞旨建雙節坊以旌其門厥後太淑人復以孫貴膺封典躬被命服惜君不及見矣太淑人好施與尤矜恤孤寡君體其意凡姻族貧嫠無依者月餼之粟或婚喪之不舉或衣食之不給緩急有所請謁視其疏戚爲多寡靡不應者其他除道成梁施棉施糶諸善舉蓋不勝僂指計而君不欲自居其名必曰此吾母之教也君旣蚤歲家居循陔之暇與諸昆季叙天倫之樂夜深燈爇語娓娓不倦資政公設家塾延師課孫輩君每至塾中聞子姪讀書聲輒欣然色喜於一切名利之事泊如也憶道光初年余始與君仲兄提舉君同硯席因徧識其羣季見君抑

抑恂恂不染浮囂紛競之習心竊異之既久與相習辱承親厚歲時登堂候太淑人起居知君門內之行所謂孝友施於有政是亦爲政者殆其人與娶鄞縣吳氏 贈奉政大夫傳鏞長女孝敬賢淑宗黨稱之有以見刑于之化矣子一芳壻國學生以翰饌叙職布政使司理問濬至鹽運使司運同隨帶加三級得以正三品銜榮及祖父於是君獲邀 恩命由儒林郎晉階通議大夫吳氏晉淑人女一適鄞縣張濟洵孫一鍾鏗君卒以道光三十年庚戌八月十日年四十有三芳壻既奉柩權窆越十九年爲同治七年戊辰始定兆於慈谿東鄉吳家塢之裏窆基將諷吉安葬并造吳淑人生壙芳壻撰次行事乞爲之銘爰撮書其大者銘曰維庸行曰





清例授朝議大夫鄭君漁村墓誌

童

華

薇研

君諱熙譜諱士昆字玉成號漁村姓鄭氏世居鎮海縣靈緒鄉累  
贈資政大夫浦山公諱錦章之季子也君兄弟五人長越凡君早  
世次小浦君業儒三眉軒君出嗣季父四竹溪君與君俱業賈浦  
山公承先業設錢肆甬江久中年後以甬業付竹溪君而命君持  
貲赴越郡別營居積勤慎周練屢獲倍息君在越數年越中賢豪  
長者咸樂與訂交姚江朱久香閣部昆季尤稱莫逆焉道光甲辰  
復客滬上立嘉湖漢廣各業所得益饒家益隆隆起浦山公喜曰  
吾數十年嘗欲建義莊義塾諸舉而力苦未逮今乃得所藉手矣  
歲己酉徙宅郡城浦山公旋卒越二年君母孔太夫人又棄養且

此數年中君兄二妹一及嫂二妻二兄子三俱層迭逝世骨肉凋謝死喪頻仍君哀慟悲悼泣涕幾無虛日蓋五內摧傷非復疇曩風姿癸丑會匪陷滬城君預遷所有於甬雖寇平無所失而感懷時世輒深憤懣丁巳由滬得疾歸尋愈次年秋又病藥醫罔效竟成不起年四十有六君生平惟以悅親心篤友愛爲念故處脂膏之地無一毫自私被服太和不事修飾邊幅待人無畛域口未嘗言人過顧偶一評目其人成敗得喪悉如所言居恆慈祥愷惻人遇之如坐春風中交友以誠御下以寬視猶子如己子三黨孤寡者矜恤之有加意尤慨行善舉滬上嘗設有四明義園爲僑厝旅櫬計君首出三千金以恢廓之蓋其秉性厚也君由國學生起捐

府同知職銜例授朝議大夫元配陳宜人繼裘宜人葛宜人陳宜人  
人生卒並詳譜牒繼配陳宜人歸君後甫四載遽稱未亡人時家  
業適中落宜人含辛茹苦自婚嫁以至米鹽凌雜皆力自措拄歷  
十餘年卒完善不形支絀態蓋尤爲節而賢者云以光緒戊寅合  
葬於慈東杜郭胡家橋下橫河之原子男二芳埏國學生裘宜人  
出芳埏國學生議叙同知銜葛宜人出女一適慈邑姚炳煜葛宜  
人出孫男三鍾鑿芳埏出鍾鑿鍾鑿芳埏出時

光緒四年歲次戊寅

姻愚弟童 華拜撰



此篇四字故為好道... 歐州... 華... 樂...  
 人山... 三... 登... 歐... 歐... 歐...  
 山... 歐... 歐... 歐... 歐... 歐...  
 非... 歐... 歐... 歐... 歐... 歐...  
 十... 歐... 歐... 歐... 歐... 歐...  
 人... 歐... 歐... 歐... 歐... 歐...  
 人... 歐... 歐... 歐... 歐... 歐...